

四庫全書薈要

• 乾隆御覽本

史部

欽定四庫全書薈要卷三千七百七

史部

史記卷一百二十九

漢 太 史 令司馬遷 撰

宋 中郎外兵曹參軍裴 駟集解

唐國子博士弘文館學士司馬貞索隱

唐諸王侍讀率府長 史張守節正義

貨殖列傳第六十九

索隱論語云賜不受命而貨殖焉廣雅云殖立也孔安國注尚書云殖生也生資貨財利也

老子曰至治之極鄰國相望

正義音亡

鷄狗之聲相聞民各

甘其食美其服安其俗樂其業至老死不相往來必用

此為務輓近世塗民耳目則幾無行矣

索隱輓音晚古字通用

太史公曰夫神農以前吾不知已至若詩書所述虞夏

以來耳目欲極聲色之好口欲窮芻豢之味身安逸樂

而心誇矜勢能之榮使俗之漸民久矣雖戶說以眇論

終不能化

索隱眇音妙論如字

故善者因之其次利道之其次教

誨之其次整齊之最下者與之爭夫山西饒材竹穀纊

集解徐廣曰紵屬可以為布索隱穀音谷又音雌木名皮可為紙纊山中紵可以為布音盧紵音佇今山間野紵亦旄玉石山東多魚鹽漆絲聲色江南出柟梓索隱南子

音二薑桂金錫連

集解徐廣曰音蓮鈞之未鍊者

丹沙犀瑇珠璣齒革

龍門碣石

正義龍門山在徐州龍門縣碣石山在平州盧龍縣

北多馬牛羊旃裘

筋角銅鐵則千里往往山出碁置

索隱言如置碁子往往有之正義言出銅

鐵之山方千里如圖碁之置也管子云凡天下名山五千二百七十出銅之山四百六十七出鐵之山三千六

百有九山上赭其下有鐵山上有鉛其下有銀此其大山上有銀其下有丹山上有砉石其下有金也

較也

索隱較音角大較猶大略也

皆中國人民所喜好謠俗被服飲

食奉生送死之具也故待農而食之虞而出之工而成

之商而通之此寧有政教發徵期會哉人各任其能竭

其力以得所欲故物賤之徵貴

索隱徵者求也謂此處物賤求彼貴賣之

貴

之徵賤各勸其業樂其事若水之趨下日夜無休時不

召而自來不求而民出之豈非道之所符而自然之驗

邪

索隱符謂合於道也

周書曰農不出則乏其食工不出則乏其

事商不出則三寶絕虞不出則財匱少財匱少而山澤

不辟矣

索隱辟音闕辟開也通也

此四者民所衣食之原也原大則

饒原小則鮮上則富國下則富家貧富之道莫之奪予

索隱予音與言貧而巧者有餘拙者不足故太公望封

富自由無奪予也

集解徐廣曰瀉音昔瀉鹵鹹地也

於營丘地瀉鹵人民寡於是太公勸

其女功極技巧通魚鹽則人物歸之繼至而輻湊故齊

冠帶衣履天下海岱之間斂袂而往朝焉

索隱言齊既富饒能冠帶

天下豐厚被於他邦故海岳之間斂袂而朝齊言趨利者也

其後齊中衰管子修之

設輕重九府

正義管子云輕重謂錢也夫治民有輕重之法周有太府玉府內府外府泉府天府

職內職金職幣皆掌財幣之官故云九府也

則桓公以霸九合諸侯一匡天下而

管氏亦有三歸位在陪臣富於列國之君是以齊富疆  
至於威宣也故曰倉廩實而知禮節衣食足而知榮辱  
禮生於有而廢於無故君子富好行其德小人富以適  
其力淵深而魚生之山深而獸往之人富而仁義附焉  
富者得勢益彰失勢則客無所之以而不樂夷狄益甚  
諺曰千金之子不死於市此非空言也故曰天下熙熙  
皆為利來天下壤壤皆為利往夫千乘之王萬家之侯  
百室之君尚猶患貧而况匹夫編戶之民乎

昔者越王勾踐困於會稽之上乃用范蠡計然

集解徐廣曰計

然者范蠡之師也名研故諺曰研桑心算駟索范子曰計然者蔡丘濮上人姓辛氏字文子其先晉國亡公子

也嘗南遊於越范蠡師事之索隱韋昭云計然范蠡師也蔡謨云蠡所著書名計然蓋非也吳越春秋謂之計

倪漢書古今人表計然列在第四則計然曰知鬪則修倪之與研是一人聲相近而相亂耳

備時用則知物

索隱言知時所用之物

二者形則萬貨之情可得

而觀已故歲在金穰水毀木饑火旱

索隱五行不說土者土穰也

旱

則資舟水則資車

索隱國語大夫種曰賈人早資舟水資車以待也

物之理也

六歲穰六歲旱十二歲一大饑夫糶二十病農九十病

末索隱言米賤則農人病也故云病農若米斗直末病九十則商賈病故云病末末謂逐末為高賈也

則財不出農病則草不辟矣上不過八十下不減三十

則農末俱利平糶齊物關市不乏治國之道也積著之

理索隱著音張呂反務完物無息幣索隱久停息貨物則無利以物相貿易

腐敗而食之貨勿留無敢居貴論其有餘不足則知貴

賤貴上極則反賤賤下極則反貴貴出如糞土賤取如

珠玉索隱夫物極貴必賤極賤必貴貴出如糞土者既極貴後恐其必賤故乘時出之如糞土賤取如珠

王者既極賤後恐其必貴故乘財幣欲其行如流水修時取之如珠玉此所以為貨殖

之十年國富厚賂戰士士赴矢石如渴得飲遂報彊吳

觀兵中國稱號五霸范蠡既雪會稽之恥乃喟然而歎

曰計然之策七越用其五而得意既已施於國吾欲用

之家乃乘扁舟

集解漢書音義曰特舟也索隱扁音篇又音符珍反國語云范蠡乘輕舟

浮

於江湖

正義國語云勾踐滅吳及至五湖范蠡辭於王曰君王勉之臣不復入國矣遂乘輕舟以入於

五湖莫知其所終極

變名易姓適齊為鴟夷子皮

索隱大顏云若盛酒之鴟夷也

用之則多所容納不用則可卷而懷之不忤於物也按韓子云鴟夷子皮事田成子成子去齊之燕子皮乃從

之蓋范蠡也

之陶

正義括地志云卽陶山在齊州平陽縣東三十五里陶山之陽也今縣南五里猶有朱

公冢又云曹州濟陽縣東南三里有陶朱公冢又云為在南郡華容縣西未詳也索隱服虔云陶今定陶也

朱公朱公以為陶天下之中諸侯四通貨物所交易也

乃治產積居與時逐集解駟案漢書音義曰逐時而居貨索隱韋昭云隨時逐利也而

不責於人索隱按謂擇人而與人不負之故云不責於人也故善治生者能擇

人而任時十九年之中三致千金再分散與貧交疏昆

弟此所謂富好行其德者也後年衰老而聽子孫子孫

修業而息之遂至巨萬集解徐廣曰萬萬也故言富者皆稱陶朱

公

子贛既學於仲尼退而仕於衛廢著鬻財於曹魯之間

集解徐廣曰子贛傳云廢居著猶居也著讀音如貯索隱漢書亦作貯說文云貯積也

七十子之

徒賜最為饒益原憲不厭糟糠

索隱厭飽也

匿於窮巷子貢

結駟連騎束帛之幣以聘享諸侯所至國君無不分庭與之抗禮夫使孔子名布揚於天下者子貢先後之也此所謂得勢而益彰者乎

白圭周人也當魏文侯時李克務盡地力

索隱案漢書食貨志李悝

為魏文侯作盡地力之教國以富彊今此及漢書言克皆誤也劉向別錄則云李悝也

而白圭樂

觀時變故人棄我取人取我與夫歲孰取穀予之絲漆

鹽凶取帛絮與之食

索隱食謂穀也

太陰在卯穰

正義太陰歲後二辰為太

陰明歲衰惡至午早明歲美至酉穰明歲衰惡至子大

早明歲美有水至卯積著率

正義貯律二音

歲倍欲長錢取下

穀長石斗取上種能薄飲食忍嗜欲節衣服與用事僮

僕同苦樂趨時若猛獸擊鳥之發故曰吾治生產猶伊

尹呂尚之謀孫吳用兵商鞅行法是也是故其智不足

與權變勇不足以決斷仁不能以取予彊不能有所守

雖欲學吾術終不告之矣蓋天下言治生祖白圭白圭其有所試矣能試有所長非苟而已也

猗頌用鹽鹽起

集解孔叢曰猗頌魯之窮士也耕則常飢桑則常寒聞朱公富往而問術焉朱

公告之曰子欲速富當畜五犗於是乃適西河大畜牛羊于猗氏之南十年之間其息不可計貨擬王公馳名天下以興富於猗氏故曰猗頌索隱鹽音古按周禮鹽人云共苦鹽杜子春以為苦讀如鹽謂出鹽直用不煉也一說云鹽鹽河東大鹽散鹽東海煮水為鹽也正義按猗氏蒲州縣也河東鹽池是畦鹽作畦若種菹一畦天雨下池中鹹淡得均即畎池中水上畔中深一尺許以日暴之五六日則成鹽若白礬石大小如雙陸及暮則呼為畦鹽或有花鹽緣黃河鹽池有八九所而鹽州有烏池猶出三色鹽有井鹽畦鹽花鹽其池中鑿井深

一二尺去泥卽到鹽掘取若至一丈則著平石無鹽矣其色或白或青黑名曰井鹽畦鹽若河東者花鹽池中其有下隨而大小成鹽其下方微空上頭隨雨下池中其滴高起若塔子形處曰花鹽赤白卽成鹽馬池中心有泉井水淡所作池人馬盡汲此井其鹽四分入官一分入百姓也池中又鑿得鹽塊濶一尺餘高二尺白色光

明洞徹年貢之也

而邯鄲郭縱以鐵冶成業與王者埒富

烏氏保

集解韋昭曰烏氏縣名屬安定保名也索隱漢書作羸烏氏縣名音支保音魯可反正義縣古

城在涇州安定縣東四十里保名也

畜牧及衆斥賣求奇繪物間

集解徐廣曰間

一作奸不以公

獻遺戎王

索隱謂畜牧及至衆多之時斥而賣之以求奇物也間獻

猶私戎王什倍其償與之畜

索隱謂戎王償之牛羊十倍也

畜至用谷

量馬牛

集解韋昭曰滿谷則具不復數索隱谷音欲

秦始皇帝令保比封君

以時與列臣朝請而巴蜀寡婦清

索隱漢書作巴寡婦清巴寡婦之邑清其

名其先得丹穴

集解徐廣曰涪陵出丹正義括地志云寡婦清臺山俗名貞女山在涪州永安

縣東北七十里也

而擅其利數世家亦不訾

正義音子兒反言資財衆多不可訾

量一云清多以財餉遺四方清寡婦也能守其業用財

自衛不見侵犯秦始皇帝以為貞婦而客之為築女懷清

臺夫保鄙人牧長清窮鄉寡婦禮抗萬乘名顯天下宜

非以富耶漢興海內為一開關梁弛山澤之禁是以富

商大賈周流天下交易之物莫不通得其所欲而徙豪  
傑諸侯彊族於京師關中自汧雍以東至河華膏壤沃  
野千里自虞夏之貢以為上田而公劉適邠大王王季  
在岐文王作豐武王治鎬故其民猶有先王之遺風好

稼穡殖五穀地重

索隱言重於耕稼也

重為邪

索隱重音逐隴反重者難也畏言不

敢為奸邪正義重並逐拱反言關中地重厚民亦重難不為邪惡

及秦文孝繆居雍隙

集解徐廣曰隙者間孔也地居隴蜀之間要路故曰隙正義雍岐州雍縣也

隴蜀之貨物而

多賈

索隱賈音古

獻孝公徙櫟邑

集解徐廣曰在馮翊櫟邑索隱櫟音藥即櫟陽

北卻戎翟東通三晉亦多大賈武昭治咸陽因以漢都

長安諸陵四方輻湊並至而會地小人衆故其民益玩

巧而事末也南則巴蜀巴蜀亦沃野地饒庖集解徐廣曰音支烟

支也紫赤色也薑丹沙石銅鐵集解徐廣曰邛都出銅臨邛出鐵竹木之器南

御滇熨熨僮西近邛笮笮馬旄牛然四塞棧道千里無

所不通唯褒斜集解徐廣曰在漢中索隱言褒斜道狹縮其道口有若車轂其口

轂之湊故云縮轂也以所多易所鮮索隱易音亦鮮音黠言以所多易其所少天水隴

西北地上郡與關中同俗然西有羌中之利北有戎翟

之畜畜牧為天下饒然地亦窮險唯京師要其道

正義要音

腰言要束其路也

故關中之地於天下三分之一而人眾不過

什三然量其富什居其六昔唐人都河東

集解徐廣曰堯都晉陽也

殷人都河內周人都河南夫三河在天下之中若鼎足

王者所更居也建國各數百千歲土地小狹民人眾都

國諸侯所聚會故其俗纖儉習事揚平陽陳西賈秦翟

正義賈音古秦閔內也翟隰石等州北賈種代子勇反

部落稽也延綏銀三州皇白翟所居

正義種

種在恒州石邑縣北種代石北也

集解徐廣曰石邑縣也在常山索隱楊平

陽二邑名在趙之西陳蓋衍字以下有楊平陽陳椽因  
此行也言二邑之人皆西賈於秦翟北賈於種代種代

在石邑地邊胡數被寇人民矜慎忮

集解晉灼曰慎音  
慨忮音堅瓚曰慎

音概今北土名彊直為慎  
中也索隱慎音冀忮音寘

好氣任俠為姦不事農商然

迫近北夷師旅亟往中國委輸時有奇羨

索隱奇音羈  
羨音羊戰反

奇羨謂時  
有餘衍也

其民羯羗不均

集解徐廣曰羗音兕一音囚  
凡反皆健羊名索隱羯音已

統反羗音慈紀反言其方  
人性若羊捷悍而不均也

自全晉之時固已患其僇悍

而趙武靈王益厲之其謠俗猶有趙之風也故揚平陽

陳椽其間得所欲

索隱椽音逐緣反陳  
椽猶經營馳逐也

溫軹西賈上黨

正義澤潞等州也

北賈趙中山

索隱溫軹二縣名屬河內正義洛州及定州

中山地

薄人衆猶有沙丘紂淫地餘民

集解晉灼曰言地薄人衆猶復有沙丘紂淫地

餘民通係之於淫風而言

民俗懷急

集解徐廣曰懷急也音絹一作懷一

作惠音

仰機利而食丈夫相聚游戲悲歌忼慨起則相

隨椎剽

索隱椎即椎殺人而剽掠之

休則掘冢作巧姦治

集解徐廣曰一作蠹

多美物

集解徐廣曰美一作弄一作推

為倡優女子則鼓鳴瑟跕屣

集解

徐廣曰跕音帖張晏曰舞屣也瓚

游媚貴富入後宮徧

諸侯然邯鄲亦漳河之間

正義洛水本名漳水邯鄲在其地

一都會也

北通燕涿南有鄭衛鄭衛俗與趙相類然近梁魯微重

而矜節

集解徐廣曰矜一作務

濮上之邑徙野王

集解徐廣曰衛君角徙野王正

義秦拔衛濮陽徙其君於懷州野王

野王好氣任俠衛之風也夫燕亦勃

碣之間

正義勃海碣石在西

一都會也南通齊趙東北邊胡上谷

至遼東地踔遠

索隱劉氏踔音卓一音勅教反亦遠騰貌也

人民希數被寇

大與趙代俗相類而民雕悍少慮

索隱言如雕性之捷悍也

有魚鹽

棗栗之饒北鄰烏桓夫餘

索隱隣一作臨臨者亦却背之義他並類此

東綰

穢貉朝鮮真番之利

索隱綰者綰統其要津則上云臨者謂却背之也正義番音潘洛

陽東賈齊魯南賈梁楚故泰山之陽則魯其陰則齊齊

帶山海

集解徐廣曰齊世家曰齊自泰山屬之琅邪北被於海膏壤二千里其民閎達多匿智

膏

壤千里宜桑麻人民多文綵布帛魚鹽臨菑亦海岱之

間一都會也其俗寬緩闊達而足智好議論地重難動

搖怯於衆鬪勇於持刺故多劫人者大國之風也其中

具五民

集解服虔曰士農商工賈也如淳曰游子樂其俗不復歸故有五方之民

而鄒魯濱

洙泗猶有周公遺風俗好儒備於禮故其民齷齷

索隱齷音

則角反又音惻斷反

頗有桑麻之業無林澤之饒地小人衆儉嗇

畏罪遠邪及其衰好賈趨利甚於周人夫自鴻溝以東

集解徐廣曰在滎陽芒碭以北集解徐廣曰今為臨淮屬巨野正義鄆州鉅野縣在鉅野

澤也此梁宋也集解徐廣曰今陶之浚儀正義鴻溝以東芒碭以北至鉅野梁宋二國之地陶

睢陽正義今曹州睢陽亦一都會也集解徐廣曰今之定陶昔堯

作游成陽集解如淳曰作起也成陽在定陶舜漁於雷澤集解徐廣曰在成陽正義

澤在雷澤縣西北也湯止于亳集解徐廣曰今梁國薄縣正義宋州穀熟縣西南四十五里南亳州

故域是也其俗猶有先王遺風重厚多君子好稼穡雖無山

川之饒能惡衣食致其畜藏越楚則有三俗正義越滅吳則有江

淮以北楚滅越兼有吳夫自淮北沛陳汝南南郡此西

楚也

正義沛徐州沛縣也陳今陳州也汝汝州也南其郡今荊州也言從沛郡西至荊州並西楚也

俗剽輕易發怒地薄寡於積聚江陵故郢都

正義荊州江陵縣故

為郢楚之都

西通巫巴

正義巫郡巴郡在江陵之西也

東有雲夢之饒

集解徐廣

曰在陳在楚夏之交

正義夏都陽城言陳南則楚西及北則夏故云楚夏之交

通

魚鹽之貨其民多賈徐僮取慮

集解徐廣曰皆在下邳正義取音秋慮音閻徐

卽徐城故徐國也僮取慮二縣並在下邳今泗州

則清刻矜已諾

正義已音紀彭城

以東東海吳廣陵此東楚也

正義彭城徐州治縣也東海郡今海州也吳蘇州也

廣陵揚州也言從徐州彭城  
歷揚州至蘇州並東楚之地

其俗類徐僮胸繪以北俗

則齊

正義胸其俱反縣在海州故繒縣在沂州之丞縣言二縣之北風俗同於齊

浙江南則

越夫吳自闔廬春申王濞三人招致天下之喜游子弟

東有海鹽之饒章山之銅三江五湖之利亦江東一都

會也衡山

集解徐廣曰都邾邾縣屬江夏正九江正義故邾城在潭州東南百二十里九江

郡都陰陵陰陵故城在濠

江南

集解徐廣曰高帝所置江南者丹陽也秦置為

鄣郡武帝改名丹陽正義按徐說非秦置鄣郡在湖州

長城縣西南八十里鄣郡故城是也漢改為丹陽郡徙  
郡宛陵今宣州地也上言吳有章山之銅明是東楚之  
地此言大江之南豫章長沙二郡南楚南楚之地耳徐

裴以為江南丹陽郡屬南楚誤之甚矣

豫章

正義今洪州也

長沙

正義今潭州也十三州志云有

萬里沙祠而西自湘州至東萊萬里故曰長沙也淮是南衡山九江二郡及江南豫章長沙二郡並為楚也

南楚也其俗大類西楚郢之後徙壽春

正義楚考烈王二十二年自陳

徙都壽春號之曰郢故言郢之徙壽春也

亦一都會也而合肥受南北潮正義

合肥縣廬州治也言江淮之潮南北俱至廬州也

皮革鮑木輸會也與閩中于

越雜俗

集解徐廣曰作臨淮

故南楚好辭巧說少信江南卑溼丈

夫早夭多竹木豫章出黃金

集解徐廣曰鄱陽有之正義括地志云江州潯陽縣

有黃金山

長沙出連錫然董董

正義音謹

物之所有取之不

足以更費

集解應劭曰董少也更償也言金少少耳取之不足用故費用也

九疑

集解徐廣

曰山在營道縣南

蒼梧以南至儋耳者

正義今儋州在海中廣州南去京七千餘里言

嶺南至儋耳之地與江南大同俗而揚州之南越民多焉與江南大同俗而揚越多

馬番禺

正義潘虞二音今廣州

亦其一都會也珠璣犀瑇瑁果布

之湊

集解常昭曰果謂龍眼離支之屬布葛布

潁川南陽夏人之居也

集解徐廣曰禹居陽翟正義禹居陽城潁川南陽皆夏地也

夏人政尚忠朴猶有先王之遺風潁川敦愿秦末世遷

不軌之民於南陽南陽西通武關鄖關

集解徐廣曰按漢中亦作徇字

索隱鄭音雲正義武關在商州地志云宛西通武關而無鄭闕蓋鄭當為狗狗水上有關在九州洵陽縣徐

按漢中是也洵亦東南受漢江淮宛亦一都會也俗雜作郟與鄭相似也

好事業多賈其任俠交通潁川故至今謂之夏人夫天

下物所鮮所多人民謠俗山東食海鹽山西食鹽鹵正義

謂西方鹹地也堅且領南沙北正義謂池固往往出鹽鹹即出石鹽及池鹽

大體如此矣總之楚越之地地廣人希飯稻羹魚或火

耕而水耨集解徐廣曰乃邁反除草也正義言風草下種苗生大而草生小以水灌之則草死而苗

無損也耨果隋集解駟案徐廣曰地里志作蕪羸蛤除草也索隱隋音徒火反蕪音即果反

隋今為搖音同上古少字也羸力和反果搖猶疊包  
裹也今楚越之俗尚有裹搖之語楚越水鄉足螺魚鱉  
民多採捕積聚搖疊包裹煮而食之班固不曉裹搖之  
方言修太史公書述地志乃故云果菰羸蛤非太史公  
意班氏不待賈而足正義賈音古言楚越地勢饒食地  
失之也不用他賈而自足無饑饉之患

勢饒食無饑饉之患以故皆窳

集解徐廣曰音紫皆窳  
苟且墮嬾之謂也駟案

應劭曰皆弱也晉灼曰窳病也索隱窳音庚正義按食  
螺蛤等物故多羸弱而足病也淮南子云古者民食羸  
蛛之肉多疹毒之患也偷生無積聚正義言江淮以南有水族民  
多食物朝夕取給以偷生而  
已不為積聚而多貧是故江淮以南無凍餓之人亦無  
乃多貧也

千金之家沂泗水以北宜五穀桑麻六畜地小人衆數

被水旱之害民好畜藏故秦夏梁魯好農而重民三河

宛陳亦然加以商賈齊趙設智巧仰機利燕代田畜而

事蠶由此觀之賢人深謀於廊廟論議朝廷守信死節

隱居巖穴之士設為名高者安歸乎歸於富厚也是以

廉吏久久更富廉賈歸富

集解駟案歸者取利而不停貨也

富者人之

情性所不學而俱欲者也故壯士在軍攻城先登陷陣

却敵斬將搃旗前蒙矢石不避湯火之難者為重賞使

也其在閭巷少年攻剽推理劫人作姦掘冢鑄幣任俠

并兼借交報仇篡逐幽隱不避法禁走死地如驚

集解徐廣

曰驚一作流

其實皆為財用耳今夫趙女鄭姬設形容揆鳴

琴揄長袂躡利屣

集解徐廣曰揄音史躡一作跣跣音吐協反屣音山耳反舞屣也

目

挑正義田反

心招出不遠千里不擇老少者奔富厚也游

閑公子飾冠劍連車騎亦為富貴容也弋射漁獵犯晨

夜冒霜雪馳阮谷不避猛獸之害為得味也博戲馳逐

鬪鷄走狗作色相矜必爭勝者重失負也醫方諸食技

術之人焦神極能為重糈也吏士舞文弄法刻章偽書

不避刀鋸之誅者沒於賂遺也農工商賈畜長固求富

益貨也此有知盡能索耳終不餘力而讓財矣諺曰百

里不販樵千里不販糴居之一歲種之以穀十歲樹之

以木百歲來之以德德者人物之謂也今有無秩祿之

奉爵邑之入而樂與之比者命曰素封索隱謂無爵邑之入祿秩之奉

則曰素封素空也正義言不仕之人自有園田收養之給其利抵於封君故曰素封也封者食租

稅歲率正義音律戶二百千戶之君則二十萬索隱戶率二百故千戶二

十萬朝覲聘享出其中庶民農工商賈率亦歲萬息二千

戶百萬之家則二十萬

索隱率二千故百萬之家亦二十萬

而更徭租賦

出其中衣食之欲恣所好美矣故曰陸地牧馬二百蹄

集解駟案漢書音義曰五十匹索隱按馬有四足二百蹄有五十匹也漢書則云馬蹄數千所記各異

牛

蹄角千

集解駟案漢書音義曰百六十頭也馬貴而牛賤以此為率

千足羊澤中千

足羗

集解韋昭曰二百五十頭

水居千石魚陂

集解徐廣曰魚以斤兩為計也索隱陂音

陂漢書作波音同正義言陂澤養魚一歲收得千石魚賣也

山居千章之材

集解徐廣曰一

作楸駟案韋昭曰楸木所以為轅音秋索隱漢書作千章之萩服虔曰章方也故孟康亦云言任方章者千枚

謂章大材也樂彥云萩梓木也可以為轅者

安邑千樹棗燕秦千樹栗蜀漢

江陵千樹橘淮北常山已南河濟之間千樹萩陳夏千

畝漆齊魯千畝桑麻渭川千畝竹及名國萬家之城帶

郭千畝畝鍾之田

集解徐廣曰六斛四斗也

若干畝庖菑

集解徐廣曰庖音支

鮮支也菑音倩一名紅藍其花染繒赤黃也

千畦薑韭

集解徐廣曰千畦二十五畝駟案韋昭曰

畦猶

此其人皆與千戶侯等然是富給之資也不窺市

井不行異邑坐而待收身有處士之義而取給焉若至

家貧親老妻子軟弱歲時無以祭祀進醵飲食

集解徐廣曰會

聚食索隱醵音渠略反

被服不足以自通如此不慙恥則無所比

矣是以無財作力少有鬪智

正義言少有錢財則鬪智巧而求勝也

既饒

爭時

正義既饒足錢財乃逐時爭利也

此其大經也今治生不待危身

取給則賢人勉焉是故本富為上末富次之姦富最下無巖處奇士之行而長貧賤好語仁義亦足羞也

凡編戶之民富相什則卑下之伯則畏憚之千則役萬則僕物之理也夫用貧求富農不如工工不如商刺繡文不如倚市門此言末業貧者之資也通邑大都酤一

歲千釀

正義釀千甃酤醢醋云酒酤

醢醬千甃

集解徐廣曰長頸嬰索隱甃音閑江反

醬千甌

集解徐廣曰大罌缶索隱音都甘反漢書作儻孟康曰儻石甌石甌受一石故云儻石一音都

濫反

屠牛羊彘千皮販穀糶千鍾

集解徐廣曰出穀也糶音掉也薪橐千

車船長千丈

索隱摠積數長千丈

木千章

集解駟案漢書音義曰洪洞方橐章材也舊將

作大匠掌材曰章曹掾索隱洪音胡孔反洞音動又並如字

竹竿萬个

集解徐廣曰古賀反正義

釋名云竹曰个木曰枚

其軺車百乘

集解徐廣曰馬車也正義軺音遙說文云軺小車也牛

車千兩

正義車一乘為一兩風俗通云箱輶及輪兩兩而偶之稱兩也

木器髹者千枚

集解徐廣曰髹音休漆也正義顏云以漆物謂之髹又音許昭反今闕東俗器物一再漆者謂之稍漆即髹聲

之轉耳今關西俗云銅器千鈞

集解徐廣曰三十斤素木鐵器若

里髮盤朱兩義並通

厄萬千石

集解徐廣曰百二十斤為石駟案漢書音義曰素木素器也

馬蹄躐千

集解

徐廣曰躐苦弔反馬八髀音料索隱琿蒼云尻骨謂八膠一曰夜蹄小顏云躐口也蹄與口共千則為二百匹

若顧胤則云上文馬二百蹄與千戶侯等此蹄躐千比千乘之家不容亦二百則竅謂九竅通四三而成一馬

所謂生之徒十有三也

牛千足羊羸千雙僮手指千

集解駟案漢書音義曰僮

奴婢也古者無空手游日皆有作務作務須手指故曰手指以別馬牛蹄角也

筋角丹沙千斤

其帛絮細布千鈞文采千匹榻布皮革千石

集解徐廣曰榻音吐

合反駟案漢書音義曰榻布白疊也正義顏師古曰麤厚之布也其價賤故與皮革同重耳非白疊也答者厚

之貌也按白疊木綿所織非中國有也

漆千斗藥麴鹽豉千荅

集解徐廣曰或作合

器名有瓠孫叔敖云瓠瓦義曰音如楚人言鮎黃千斤集解駟案漢書音

薺黃魚與鮎魚也正義鮎音臺又音貽說文云鮎海魚也黃音齊禮反刀魚也鯪千石鮑千鈞

集解徐廣曰鯪音鯪魚也正義鯪音族苟反謂雜小魚也鮑白也然鮎黃以斤論鮑鯪以千鈞論乃其九倍

多故知鮎是大好者鯪鮑是雜者也徐云鯪膊魚也膊並各反謂破開中頭尾不相離為鮑謂之膊關者也此

亦大魚為之也棗栗千石者三之正義謂三千石也言棗栗狐

龐正義裘千皮羔羊裘千石旃席千具佗果菜千鍾正義

鍾六斛四斗果菜謂雜音祖子貸金錢千貫節駟會集解徐

也節節物貴賤也謂估僧其餘利比千乘之家貪賈三

之廉賈五之

集解駟案漢書音義曰貪賈未當賣而賣未可買而買故得利少而十得三廉賈貴

而賣賤乃買故十得五

此亦比千乘之家其大率也

正義率音律

佗雜

業不中什二

正義言雜惡業而不在什分中得二分之利者非世之美財也

則非吾財

也請略道當世千里之中賢人所以富者今後世得以

觀擇焉

蜀卓氏之先

集解徐廣曰卓一作淖

趙人也用鐵冶富秦破趙遷

卓氏卓氏見虜略獨夫妻推輦行詣遷處諸遷虜少有

餘財爭與吏求近處處葭萌

集解徐廣曰屬廣漢正義葭萌今利州縣也

唯

卓氏曰此地狹薄吾聞汶山之下沃野下有蹲鴟

集解徐廣

曰古蹲字作踰駟案漢書音義曰水鄉多鴟其山下有沃野灌溉一曰大芋正義汶音珉蹲鴟芋也言邛州臨邛縣其地肥又沃平野有大芋等也華陽至死不飢民國志云汶山郡安上縣有大芋如蹲鴟也

工於市易賈乃求遠遷致之臨邛大喜卽鐵山鼓鑄運

籌策傾滇蜀之民

正義滇一作沮漢書亦作滇也今益州郡有蜀州亦因舊名及漢江為名

江在益州南入導江非漢中之漢江也

富至僮千人田池射獵之樂擬於

人君

程鄭山東遷虜也亦冶鑄賈推髻之民富埒卓氏俱居

臨卽

宛孔氏之先梁人也用鐵冶為業秦伐魏遷孔氏南陽  
大鼓鑄規陂池連車騎游諸侯因通商賈之利有游閑

公子之賜與名

集解韋昭曰優游閒暇也

然其贏得過當愈於織嗇

正義音色嗇吝也言孔氏連車騎游於諸侯以資給之兼通商賈之利乃得游閑公子交名然其通計贏利過於所資給餉遺之當猶有交家致富數千金故南陽行游公子雍容而勝於慳吝也

賈盡法孔氏之雍容魯人俗儉嗇而曹邴氏尤甚以鐵

冶

集解徐廣曰魯縣出鐵

起富至巨萬然家自父兄子孫約俛有

拾仰有取貫貸行賈徧郡國鄒魯以其故多去文學而趨利者以曹邴氏也

齊俗賤奴虜而刁間獨愛貴之

正義刁丁遙反姓名

桀黠奴人之

所患也唯刁間收取使之逐漁鹽商賈之利或連車騎

交守相然愈益任之終得其力起富數千萬故曰寧爵

毋刁

集解駙案漢書音義曰奴自相謂曰寧欲免去作民有爵邪將止為刁氏作奴乎無發聲語助

言

其能使豪奴自饒而盡其力周人既織

集解駙案漢書音義曰儉嗇也

而師史尤甚

正義師史人姓名

轉轂以百數賈郡國無所不至

洛陽街居在齊秦楚趙之中

正義洛陽在齊秦楚趙之中其街巷貧人學於富家

相矜以久賈諸國皆數歷里邑不入其門故前云洛陽東賈齊魯南賈梁楚是也

貧人學事富

家相矜以久賈

集解駟案漢書音義曰謂街巷居民無田地皆相矜以久賈在此諸國也

數

過邑不入門設任此等故師史能致七千萬

宣曲任氏之先

集解徐廣曰高祖功臣有宣曲侯索隱上林賦云西馳宣曲當在京輔今闕其

地也正義按其地合在關內張揖云宣曲官名在昆池西也

為督道倉吏

集解駟案漢書音義

曰若今吏督租穀使上道輸在所也韋昭曰督道秦時邊縣名

秦之敗也豪傑皆爭取

金玉而任氏獨窖倉粟

集解徐廣曰窖音校穿地以藏也

楚漢相距榮

陽也民不得耕種米石至萬而豪傑金玉盡歸任氏任

氏以此起富富人爭奢侈而任氏折節為儉力田畜田

畜人爭取賤賈

索隱晉灼云爭取賤賈金玉也正義音價也

任氏獨取貴善

索隱謂買物必取貴而善者不爭賤價也富者數世然任公家約非田畜所

出弗衣食公事不畢則身不得飲酒食肉以此為閭里

率故富而主上重之塞之斥也

正義孟康云邊塞主斥候卒也唯此人能致富

若此顏云塞斥者言國斥開邊塞更令寬廣故橋姚得恣其畜牧也姓橋名姚也

唯橋姚已致

馬千匹牛倍之羊萬頭粟以萬鍾計

集解駟案漢書音義曰邊塞主斥候

卒也唯此人能致富若此索隱孟說非也按斥開也相如傳云邊塞益斥是也橋姓姚名也言橋姚因斥塞而致此資風俗通云馬稱足者俗說云相馬及君子與人相足故云足或說馬夜行目照前四丈故云一足或說度馬從橫適得一足韓詩外傳云孔子與顏回登山望見一足練前有藍視之果馬光景一足長也吳楚

七國兵起時長安中列侯封君行從軍旅齋貸子錢索隱

齋音子稽反貸假也音吐得反與人物云齋周禮注齋所給與也子錢家以為侯邑國

在關東關東成敗未決莫肯與唯無鹽氏出捐千金貸

索隱貸音吐代反其息什之一索隱謂出一得十倍三月吳楚平一歲之中

則無鹽氏之息什倍用此富埒關中關中富商大賈大

抵盡諸田田畝田蘭韋家粟氏安陵杜杜氏

集解徐廣曰安陵及

杜二縣名各有杜姓也宣帝以杜為杜陵

亦巨萬此其章章尤異者也

集解徐廣

曰異一作淑又作較

皆非有爵邑奉祿弄法犯姦而富盡椎埋去

就與時俯仰獲其贏利以末致財用本守之以武一切

用文持之變化有槩故足術也若至力農畜工虞商賈

為權利以成富大者傾郡中者傾縣下者傾鄉里者不

可勝數夫織嗇筋力治生之正道也而富者必用竒勝

田農拙業

集解徐廣曰古拙字亦作拙也

而秦陽以蓋一州

索隱漢書作甲一州

服虔云富為  
州中之第一  
掘冢姦事也而曲叔以起博戲惡業也而

桓發用之富

索隱漢書桓作楷正義桓發人姓名

行賈丈夫賤行也而雍

樂成以饒販脂

正義說文云載角者脂無角者膏也

辱處也而雍伯千金

集解徐廣曰雍一作翁索隱雍音於恭反漢書作翁伯也

賣漿小業也而張氏千萬

酒削薄技也

集解徐廣曰酒或作細駟按漢書音義曰治刀劍名索隱酒音先禮反削刀者名酒

削謂摩刀以水酒之又方言云劍削闕東謂之削音肖亦依字讀

而邳氏鼎食胃脯簡

微耳濁氏連騎

索隱晉灼云太官常以十月作沸湯燻羊胃以末椒薑粉之訖暴使燥則謂之

脯故易售而致富也正義按胃脯謂和五味而脯美故易售

馬醫淺方張里擊鍾此

皆誠壹之所致由是觀之富無經業則貨無常主能者輻湊不肖者瓦解千金之家比一都之君巨萬者乃與王者同樂豈所謂素封者邪非也

索隱述贊曰貨殖之利工商是營廢居善積倚市邪贏白圭富國計然彊兵保參朝請女築懷清素封千戶卓鄭齊名

史記卷一百二十九

史記卷一百二十九考證

貨殖列傳○

臣照

按遷史以貨殖傳終所以見先王詩書禮樂之澤至漢武之世而蕩然無遺蓋傷之也末以非也二字作結彰彰可見而後儒猶謂馬遷重貨殖而薄仁義寧得稱知言哉

故物賤之徵貴貴之徵賤索隱徵者求也謂此處物賤求彼貴賣之○董份曰賤之徵貴賤極則人棄之故其徵必貴白圭之術正能明貴賤之徵而棄取之也

以徵為求謬

周書曰農不出則乏其食工不出則乏其事商不出則  
三寶絕虞不出則財匱少○此語汲冢書無之疑在  
所闕八篇之中

天下壤壤○凌稚隆曰按壤穰通用鹽鐵論此語作穰  
穰

計然之策七○越絕書及吳越春秋作九術

之陶○臣照南按正義以陶在齊州平陽縣又以為曹

州濟陽縣又以為在南郡華容縣據水經注云定陶縣則曹州近之

子贛既學於仲尼退而仕於衛廢著鬻財於曹魯之間  
○史通曰昔孔子力可翹關不以力稱何則大聖之  
德具美者衆不可以一介末事持為百行端首也至  
如達者七十分以四科而太史公述儒林則不取游  
夏之文學著循吏則不言冉季之政事至於貨殖為  
傳獨以子貢居先掩惡揚善既忘此義成人之美不

其缺如

夫歲孰取穀予之絲漆蠶凶取帛絮與之食○凶各本  
並作出程一枝曰蠶字屬上句讀出字本作凶蓋以  
字形相近而訛也今從程說改正

夫燕亦勃碣之間正義勃海碣石在西○臣世駿按西  
下宜有北字

以故皆窳正義按食螺蛤等物故多羸弱而足病也淮  
南子云古者民食羸蛛之肉多疹毒之患也○徐孚

遠曰觀下文偷生無積聚則羸弱病足之說非也

是以廉吏久久更富廉賈歸富集解歸者取利而不停  
貨也○顧炎武曰貨殖傳廉吏久久更富廉賈歸富  
又曰貪賈三之廉賈五之夫放於利而行多怨廉者  
知取知與無求多於人義然後取人不厭其取是以  
取之雖少而久久更富廉者之所得乃有其五也注  
非

下有蹲鴟集解徐廣曰古蹲字作踈○徐廣既有此釋

則本文蹲字應作跋矣又正義引華陽國志云汶山郡安上縣有大芋如蹲鴟安上水經注作江都

洛陽街居在齊秦楚趙之中○顧炎武曰說文街四通道鹽鐵論燕之涿薊趙之邯鄲魏之溫軹韓之滎陽齊之臨淄楚之宛丘鄭之陽翟二周之三川皆為天下名都居五諸侯之衢跨街衝之路

為督道倉吏集解漢書音義曰若今使督租穀吏上道輸在所也韋昭曰督道秦時邊縣名○班馬異同曰

督道者倉所在地名耳猶後傳注漢宮闕疏所稱細柳倉也

盡推埋去就○顧炎武曰推埋當是推移二字之誤

史記卷一百二十九考證

謹案卷一百二十八第六頁後六行因以醮酒佗  
駮刊本醮訛譙據王鏊本改

第十一頁後一行禽獸蟲蝗之怪謂之孽刊本脫  
之字據王鏊本增

第十一頁後六行耨摩田器刊本摩訛磨據說文  
改

第十八頁前三行胥謂兆足斂也刊本胥訛胥據  
史本文改

第十八頁後七行煇灼龜本刊本脫灼字今增

第三十二頁前六行及命兆之辭刊本兆訛名今

改

卷一百二十九第二頁前一行穀音谷又音雒刊

本訛作音谷雒反據毛本索隱改

第二頁前四行龍門山在徐州龍門縣考唐地志

河中府龍門縣先為秦州治後隸絳州後隸河

中府不言徐州此徐字應誤

第三頁前七行周有太府玉府內府外府泉府天府職內職金職幣刊本脫泉府職幣四字據漢書食貨志注增

第五頁前八行今縣南五里刊本脫縣字今增

第七頁前五行直用不煉也刊本煉訛練據毛本索隱改

第七頁後五行烏氏縣名刊本縣名訛姓氏據毛本索隱改

第八頁後七行雍岐州雍縣也刊本岐州上行一  
縣字今刪

第十頁前三行今北土名彊直為懞中刊本北訛  
以據漢書注改

第十頁後七行張晏曰舞屣也刊本舞訛踮據下  
穎川節注改

第十二頁前四行今宋州宋城也刊本城訛地據  
唐書地理志改

第十二頁後五行夏都陽城刊本夏下行計字今

刪

第十二頁後八行今海州也刊本州訛郡據唐地理志改

第十三頁前八行徒郡宛陵刊本陵訛城據元和郡縣志宣州文改

第十四頁前八行案漢中亦作徇字檢地理志漢中旬陽有旬水不作徇

第十四頁後八行果隋各本皆作隋惟毛本作隋  
疑悞

第十五頁前二行修太史公書述地志刊本志說  
云據下引地理志文改





總校官庶吉士 臣侍 朝

校對官檢討 臣王鍾健

監生 臣李敬敏

欽定四庫全書叢要

史部  
史記

卷一百三十  
補史記  
正義論例

詳校官主事銜臣徐以坤



欽定四庫全書薈要卷三千七百八

史部

史記卷一百三十

漢

太

史

令司馬遷

撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

太史公自序第七十

昔在顓頊命南正重以司天北正黎以司地

索隱張晏云南方陽

也火水配也水為陰故命南方正重司天火正黎兼地職臣瓚以為重黎氏是司天地之官然司地者宜曰火正古文作北字非也案國語黎為火正以淳曜敦大光照四海又幽通賦云黎淳曜於高辛則火正為是也

唐虞之際紹重黎之後使復典之至于夏商故重黎氏

世序天地其在周程伯休甫其後也

集解應劭曰封為程國伯休甫字也

索隱重司天而黎司地是代序天地也據左氏重是少昊之子黎乃顓頊之胤二氏二正所出各別而史遷意欲合二氏為一故總云在周程伯休甫其後非也然案班彪之序及干寶皆云司馬氏黎之後是也今總稱伯休甫是重黎之後者凡言地即舉天稱黎則兼重自是相對之文其實二官亦通職然休甫則黎之後也亦是太史公欲以史為己任故言先代天官所以兼稱重耳正義括地志安陵故城在雍州咸陽東二十一里周之

程

當周宣王時失其守而為司馬氏

正義司馬彪序云南正黎後世為司

馬

司馬氏世典周史

索隱司馬夏官卿不掌國史自是先代兼為史衛宏云司馬氏周史

佚之後恐或有所據

惠襄之間司馬氏去周適晉

集解張晏曰周惠王襄王有子

頽叔帶之難故司馬氏奔晉

晉中軍隨會奔秦而司馬氏入少梁

索隱

左氏隨會自晉奔秦後乃奔魏自魏還晉故漢書云會奔秦魏也少梁古梁國也秦滅之改曰少梁後名夏陽也正義案春秋隨會奔秦其後自秦入魏而還晉也隨會為晉中軍將少梁古梁國也嬴姓在同州韓城縣南二十二里

自司馬氏去周適晉分散或在衛或在趙

索隱

何法盛晉書及司馬氏系本名凱

或在秦其在衛者相中山

集解徐廣曰名喜也

在趙者

正義何法盛晉書及晉譙王司馬無忌司馬氏系本皆云名凱

以傳劍論顯

集解

服虔曰世善傳劍也蘇林曰傳手搏論而釋之晉灼曰

史記吳起贊曰非信仁廉勇不能傳劍論兵書也索隱

服虔云善劍解所以稱傳也蘇林作搏言手搏論而知名也

蒯瞶其後也

正義五怪反如淳云

刺客傳之蒯瞶也

在秦者名錯與張儀爭論於是惠王使錯將

伐蜀遂拔因而守之

集解蘇林曰郡守也

錯孫靳

集解徐廣曰一作靳索隱錯音

七各反靳音紀疊反

事武安君白起而少梁更名曰夏陽靳與武

安君阮趙長平軍

集解文穎曰趙孝成時

還而與之俱賜死杜郵

索隱郵音尤李奇曰地名在咸陽西

葬於華池

集解晉灼曰地

名在鄠縣索隱晉灼非也案司馬遷碑在夏陽西北四里正義括地志云華池在同州韓城縣西南七十里在夏陽故城西北四里

靳孫昌昌為秦主鐵官當始皇之時崩賾玄

孫卬為武信君將

集解徐廣曰張耳傳云武臣自號武信君索隱按晉譙國司馬無忌作司

馬氏系本云蒯賾生昭預昭預生憲憲生卬也

而狗朝歌諸侯之相王王卬於

殷

索隱漢書云項羽封卬為殷王

漢之伐楚卬歸漢以其地為河內郡

昌生無澤

索隱漢書作毋澤並音亦

無澤為漢市長無澤生喜喜為

五大夫卒皆葬高門

集解蘇林曰長安北門也賾曰長安城無高門索隱蘇說非也案遷

碑高門在夏陽西北去華池三里正義括地志云高門原俗名馬門原在同州韓城縣西南十八里漢司馬遷

墓在韓城縣南二十二里夏陽縣故城東南有司馬遷冢在高門原上也

喜生談談為太史

公

集解如淳曰漢儀註太史公武帝置位在丞相上天

下計書先上太史公副上丞相序事如古春秋遷死  
後宣帝以其官為令行太史公文書而已瓚曰百官表  
無太史公茂陵中書司馬談以太史丞為太史令索隱  
公者遷所著書尊其父云公也遷雖稱述其父所作其  
實亦遷之詞而如淳引衛宏儀註稱位在丞相上謬矣  
按百官表又無其官且修史之官國家別有著撰則令  
郡縣所上圖書皆先上之後人不曉誤以在丞相上耳  
正義虞喜志林云古者主天官者皆上公自周至漢其  
職轉卑然朝會坐位猶居公上尊天之道其官屬仍以  
舊名尊而稱也按下文太史公既掌天官不治民有子  
曰遷又云卒三歲而遷為太史公又云太史公遭李陵  
之禍又云汝復太史則續吾祖矣觀此文虞喜說為長  
乃書談及遷為太史公者皆遷自書之漢舊儀云太史

公秩二千石卒史皆秩二百石然瓚及韋昭桓  
譚之說皆非也以桓譚之說釋在武本紀也

太史公

學天官於唐都

正義天官書云星則唐都也

受易於楊何

集解徐廣曰菑川人

習道論於黃子

集解徐廣曰儒林傳曰黃生好黃老之術

太史公仕於建元

元封之間愍學者之不達其意而師悖

正義布內反顏云悖惑也各習

師書惑於所見也

乃論六家之要指曰易大傳

正義張晏云謂易繫辭案下二

句是繫辭文

天下一致而百慮同歸而殊塗夫陰陽儒墨名

法道德此務為治者也直所從言之異路有省不省耳

索隱案六家同歸於正然所從之道殊

塗學或有傳習省察或有不省者耳

嘗竊觀陰陽之

術大祥

集解徐廣曰一作詳駟案李奇曰月令星官是其枝葉也索隱漢書作大詳言我觀陰陽之術

大詳今此作祥於義為疎正義顧野王云祥善也吉凶之先見也

而衆忌諱使人拘而

多所畏

正義言拘束於日時令人有所畏忌也

然其序四時之大順不可

失也儒者博而寡要勞而少功是以其事難盡從然其

序君臣父子之禮列夫婦長幼之別不可易也墨者儉

而難遵

正義韋云墨翟之術也尚儉後有隨巢子傳其術也

是以其事不可徧循

索隱徧音徧徧循言難盡用也

然其彊本節用不可廢也法家嚴而少

恩然其正君臣上下之分不可改矣名家使人儉而善

失真

索隱劉向別錄云名家流出於禮官古者名位不同禮亦異數孔子曰必也正名乎按名家知禮亦

異數是儉也受命不受辭或失其真也

然其正名實不可不察也道家使

人精神專一動合無形瞻足萬物

索隱瞻音市艷反漢書作澹古今字異也

其為術也因陰陽之大順采儒墨之善撮名法之要與

時遷移應物變化立俗施事無所不宜指約而易操事

少而功多儒者則不然以為人主天下之儀表也主倡

而臣和主先而臣隨如此則主勞而臣逸至於大道之

要去健美

集解如淳曰知雄守雌是去健也不見可欲使心不亂是去美也

絀聰明

索隱

如淳云不尚賢絕聖弃智也

釋此而任術夫神大用則竭形大勞則

敝形神騷動欲與天地長久非所聞也夫陰陽四時八

位十二度二十四節

集解張晏曰八位八卦位也十二度十二次也二十四節就中氣也

各有禁忌謂日月也

各有教令順之者昌逆之者不死則亡未必

然也故曰使人拘而多畏夫春生夏長秋收冬藏此天

道之大經也弗順則無以為天下綱紀故曰四時之大

順不可失也夫儒者以六藝為法六藝經傳以千萬數

累世不能通其學當年不能究其禮故曰博而寡要勞

而少功若夫列君臣父子之禮序夫婦長幼之別雖百

家弗能易也墨者亦尚堯舜道言其德行曰堂高三尺

索隱自此已下韓子之文故稱曰也

土階三等茅茨不翦

正義屈盖曰茨以茅覆屋

采

椽不刮

索隱韋昭云采椽櫟椽也正義採取為椽不刮削也

食土簋

集解徐廣曰一作留調按

服虔曰土簋用土作此器

啜土刑糲梁之食

集解張晏曰一斛粟七斗米為糲瓚曰五斗粟

三斗米為糲音刺韋昭曰糲瓚也索隱服虔曰糲簠米也三蒼云梁好粟也正義顏云簋所以盛飴也刑所以

盛羹也土謂燒土為之即瓦器也糲簠米也脫粟也梁粟也謂食脫粟之簠飴也

藜藿之羹

正義

藜似藿而表赤藿豆葉也

夏日葛衣冬日鹿裘其送死桐棺三寸

正義

以桐木為棺厚三寸也

舉音不盡其哀教喪禮必以此為萬民之

率使天下法若此則尊卑無別也夫世異時移事業不

必同故曰儉而難遵要曰彊本節用則人給家足之道

也此墨子之所長雖百家弗能廢也法家不別親疎不

殊貴賤一斷於法則親親尊尊之恩絕矣

索隱按禮親親父為首尊

尊君為首也

可以行一時之計而不可長用也故曰嚴而少

恩若尊主卑臣明分職不得相踰越雖百家弗能改也

名家苛察繳繞

集解服虔曰繳音近叫呼謂煩也如淳曰繳繞猶纏繞不通大體也

使人

不得反其意專決於名而失人情故曰使人儉而善失

真若夫控名責實參伍不失

集解晉灼曰引名責實參錯交互明知事情

此

不可不察也道家無為又曰無不為

正義無為者清淨也無不為者生育

萬物也

其實易行

正義各守其分故易行也

其辭難知

正義幽深微妙故難知也

其

術以虛無為本以因循為用

正義任自然也

無成勢無常形故

能究萬物之情不為物先不為物後

集解韋昭曰因物為制

故能

為萬物主有法無法因時為業

正義因時之物成法為業

有度無度

因物與合

正義因其萬物之形成度與合也

故曰聖人不朽時變是守

索隱此出鬼谷子遷引之以成其章故稱故  
曰也正義言聖人教迹不朽滅者順時變化  
虛者道之

常也因者君之綱也

正義言因百姓之心以教惟執其綱而已

羣臣並至使

各自明也其實中其聲者謂之端實不中其聲者謂之

窾

集解徐廣曰音款空也駟案李奇曰聲別名也索隱款空也申子云款言無成是也聲者名也以言實不

稱名則謂之空空有聲也

窾言不聽姦乃不生賢不肖自分白黑乃

形在所欲用耳何事不成乃合大道混混冥冥

正義混胡本反

混混者元氣神著之貌也

光耀天下復反無名凡人所生者神也所

託者形也神大用則竭形大勞則敝形神離則死死者

不可復生離者不可復反故聖人重之由是觀之神者

生之本也形者生之具也

集解韋昭曰聲氣者神也枝體者形也

不先定

其神而曰我有以治天下何由哉太史公既掌天官不

治民有子曰遷遷生龍門

集解徐廣曰在馮翊夏陽縣廂案蘇林曰禹所鑿龍門也

正義括地志云龍門在同州韓城縣北五十里其山更黃河夏禹所鑿者也龍門山在夏陽縣遷即漢夏陽縣人也至唐改曰韓城縣耕牧河山之陽

正義河之北山之南也按在龍門山南也

年十

歲則誦古文

索隱遷及事伏生是學誦古文尚書劉氏以為左傳國語系本等書是亦名之古文

也二十而南游江淮上會稽探禹穴

集解張晏曰禹巡狩至會稽而崩因

葬馬上有孔穴民間云禹入此穴索隱越絕書云禹上  
茅山大會計更名曰會稽張勃吳錄云本名苗山一名  
覆釜禹會諸侯計功改曰會稽正義括地志云石菁山  
一名玉笥山又名宛委山即會稽山一峯也在會稽縣  
東南十八里吳越春秋云禹案黃帝中經九山東南天  
柱號曰宛委赤帝左闕之填承以文玉覆以盤石其書  
金簡青玉為字編以白銀皆琢其文禹乃東巡登衡山  
血白馬以祭禹乃登山仰天而笑忽然而臥夢見繡衣  
男子自稱玄夷蒼水使者却倚覆釜之山東顧謂禹曰  
欲得我山神書者齊於黃帝之岳岩岩之下三月季庚  
登山發石禹乃登宛委之山發石得金簡玉字以水泉  
之脉山中又有一穴深不見底謂之禹穴史遷云上會  
稽探禹穴闕九疑索隱山海經云南方蒼梧之丘蒼梧  
即此穴也闕九疑之泉在營道南其山九峰皆似故曰  
九疑張晏云九疑舜葬故窺之尋上探禹穴蓋以先聖  
所葬處有古冊文故探窺之亦搜採遠矣正義九疑山

在道 浮於沅湘 正義沅水出朗州湘水 北涉汶泗 正義

出兗州東北 而南歷魯 講業齊魯之都觀孔子之遺風鄉射鄒嶧

正義鄒縣名嶧山名嶧山在鄒縣北二 庀困都薛彭城

十二里地近曲阜於此行鄉射之禮 集解徐廣曰嶧音亦縣名有山也都音皮鄒都薛三縣

屬魯索隱都本音蕃案白袞魯記云靈帝未有汝南陳 子游為魯相子游太尉陳蕃子也國人諱而改焉若如

其說則蕃改都都皮聲相近後漸訛耳然地理志魯國 蕃縣應劭曰邾國也音皮正義括 地志云徐州滕縣漢蕃縣音翻 過梁楚以歸於是遷

仕為郎中奉使西征巴蜀以南南略邛笮昆明還報命

集解徐廣曰元鼎六年平西南夷 以為五郡其明年元封元年是也 是歲天子始建漢家

之封而太史公留滯周南

集解徐廣曰擊虞曰古之周南今之洛陽索隱張晏云自

陝以東皆周南之地也

不得與從事

正義與音預

故發憤且卒而子遷

適使反見父於河洛之間太史公執遷手而泣曰余先

周室之太史也自上世常顯功名於虞夏典天官事後

世中衰絕於予乎汝復為太史則續吾祖矣今天子接

千歲之統封泰山而余不得從行是命也夫命也夫余

死汝必為太史為太史無忘吾所欲論著矣且夫孝始

於事親中於事君終於立身揚名於後世以顯父母此

孝之大者夫天下稱誦周公言其能論歌文武之德宣  
周召之風達太王王季之思慮爰及公劉以尊后稷也  
幽厲之後王道缺禮樂衰孔子脩舊起廢論詩書作春  
秋則學者至今則之自獲麟以來四百有餘歲

集解駟  
案年表

魯哀公十四年獲麟至漢  
元封元年三百七十一年

而諸侯相兼史記放絕今漢

興海內一統明主賢君忠臣死義之士余為太史而弗  
論載廢天下之史文余甚懼焉汝其念哉遷俯首流涕  
曰小子不敏請悉論先人所次舊聞弗敢闕卒三歲而

遷為太史令

索隱博物志太史令茂陵顯武里大夫司馬年二十八三年六月乙卯除六百石也

紬史記

集解徐廣曰紬音抽索隱如淳云抽徹舊書故事而次述之小顏云紬謂綴集之也

石室

金匱之書

索隱案石室金匱皆國家藏書之處

五年而當太初元年

集解李奇

曰遷為太史後五年適當於武帝太初元年此時述史記正義按遷年四十二歲

十一月甲子

朔旦冬至天歷始改建於明堂諸神受紀

集解徐廣曰封禪序曰封

禪則萬靈罔不禋祀駟案韋昭曰告於百神與天下更始著紀於是索隱虞喜志林云改歷於明堂班之於諸侯諸侯羣神之主故曰諸神受紀孟康云句芒祝融之屬皆受瑞紀也

太史公曰先人有言

索隱先人謂先代賢人也正義太史公司馬遷也先人司馬談也

自周公卒五百歲而有孔子孔子卒後至於今五百歲

索隱案孟子稱堯舜至湯五百餘歲湯至文王五百餘歲文王至孔子五百餘歲太史公此言畧取於孟子而揚雄孫盛深所不然所謂多見不知量也以為淳氣育才豈有常數五百之期何異一息是以上皇相次或以萬齡為間而唐堯舜禹比肩並列降及周室聖賢盈朝孔子之沒千載莫嗣安在於千年五百年乎具述作者蓋記注之志士耳

豈聖人之論哉

有能紹明世正易傳繼春秋本詩書

禮樂之際意在斯乎意在斯乎小子何敢讓焉

索隱漢書讓作

據晉灼云此古讓字言且當述先人之成業何敢自嫌值五百歲而讓之也

上大夫壺遂曰

索隱案遂為詹事秩二千石故位上大也

昔孔子何為而作春秋哉太史

公曰余聞董生曰

集解服虔曰仲舒也

周道衰廢孔子為司寇諸

侯害之大夫壅之孔子知言之不用道之不行也是非

二百四十二年之中

索隱是非謂褒貶諸侯之得失也

以為天下儀表

貶天子退諸侯討大夫以達王事而已矣子曰我欲載

之空言不如見之於行事之深切著明也

索隱案孔子之言見春秋

緯太史公引之以成說也空言謂褒貶是非也空立此文而亂臣賊子懼也孔子言我徒欲立空言設褒貶則不如附見於當時所因之事人臣有僭侈篡逆因就此筆削以褒貶深切著明而書之以為將來誡也夫

春秋上明三王之道下辨人事之紀別嫌疑明是非定

猶豫善善惡惡

索隱公羊傳曰善善及子孫惡惡止其身也

賢賢賤不肖存

亡國繼絕世補敝起廢王道之大者也易著天地陰陽  
四時五行故長於變禮經紀人倫故長於行書記先王  
之事故長於政詩記山川谿谷禽獸草木牝牡雌雄故  
長於風樂樂所以立故長於和春秋辯是非故長於治  
人是故禮以節人樂以發和書以道事詩以達意易以  
道化春秋以道義撥亂世反之正莫近於春秋春秋文  
成數萬其指數千

集解張晏曰春秋萬八千字當言減而云成數字誤也駟謂太史公此辭

是述董生之言董仲舒自治公羊春秋公羊經傳凡有四萬四千餘字故云文成數萬也不得如張議但論經萬八千字便謂之誤索隱註非也小顏云史遷豈以公羊之傳為春秋乎春秋經一萬八千亦足稱數萬非字之誤萬物之散聚皆在春秋春秋之中弑君三十六亡國

五十二諸侯奔走不得保其社稷者不可勝數察其所

以皆失其本已

索隱案弑君亡國及奔走皆是失仁義之道本耳已者語終之辭也

故易

曰失之毫釐差以千里

集解徐廣曰一云差以毫釐一云繆以千里駟案今易無此語

易緯有之

故曰臣弑君子弑父非一旦一夕之故也其漸久

矣故有國者不可以不知春秋前有讒而弗見後有賊

而不知為人臣者不可以不知春秋守經事而不知其  
宜遭變事而不知其權為人君父而不通於春秋之義  
者必蒙首惡之名為人臣子而不通於春秋之義者必  
陷篡弒之誅死罪之名其實皆以為善為之不知其義

正義其心實善為之不知其義理則陷於罪咎

被之空言而不敢辭

集解張晏曰趙盾不

知討賊而不

敢辭其罪也夫不通禮義之旨至於君不君臣不臣父

不父子不子夫君不君則犯

正義顏云為臣下所干犯也一云違犯禮義

臣

不臣則誅父不父則無道子不子則不孝此四行者天

下之大過也以天下之大過予之則受而弗敢辭故春

秋者禮義之大宗也夫禮禁未然之前法施已然之後

法之所為用者易見而禮之所為禁者難知壺遂曰孔

子之時上無明君下不得任用故作春秋垂空文以斷

禮義當一王之法今夫子上遇明天子下得守職萬事

既具咸各序其宜夫子所論欲以何明太史公曰唯唯

否否

集解晉灼曰唯唯謙應也否否不通也

不然余聞之先人曰伏羲至

純厚作易八卦堯舜之盛尚書載之禮樂作焉湯武之

隆詩人歌之春秋采善貶惡推三代之德褒周室非獨

刺譏而已也漢興以來至明天子獲符瑞建封禪改正

朔易服色受命於穆清

集解如淳曰受天命清和之氣正義於音烏顏云於歎辭也穆

美也言天子有美德而教化清也

澤流罔極海外殊俗重譯款塞

集解應劭

曰款叩也皆叩塞門來服從也如淳曰款寬也請除守塞者自保不為寇害正義重譯更譯其言也

請來

獻見者不可勝道臣下百官力誦聖德猶不能宣盡其

意且士賢能而不用有國者之耻主上明聖而德不布

聞有司之過也且余嘗掌其官廢明聖盛德不載滅功

臣世家賢大夫之業不述墮先人所言罪莫大焉余所

謂述故事整齊其世傳非所謂作也而君比之於春秋

謬矣於是論次其文七年

集解徐廣曰天漢三年正義案從太初元年至天漢三年

乃七年也

而太史公遭李陵之禍

正義太史公舉李陵李陵降也

幽於縲紲

乃喟然而歎曰是余之罪也夫是余之罪也夫身毀不

用矣退而深惟曰夫詩書隱約者

索隱案謂其義隱微而言約也正義詩書

隱微而約省者遷深維欲依其隱約而成其志意也

欲遂其志之思也昔西伯拘

美里

集解徐廣曰在湯陰

演周易孔子厄陳蔡作春秋屈原放逐

著離騷左丘失明厥有國語孫子臙脚而論兵法不韋

遷蜀世傳呂覽

正義即呂氏春秋也

韓非囚秦說難孤憤詩三百

篇大抵賢聖發憤之所為作也此人皆意有所鬱結不得通其道也故述往事思來者於是卒述陶唐以來至

于麟止

集解張晏曰武帝獲麟遷以為述事之端上紀黃帝下至麟止猶春秋止於獲麟也索隱服虔

云武帝至雍獲白麟而鑄金作麟足形故云麟止遷作史記止於此猶春秋終於獲麟然也史記以黃帝為首而云述陶唐者案五帝本紀贊云五帝尚矣然尚書載堯以來而百家言黃帝其文不雅馴故述黃帝為本紀之首而以尚書雅正

自黃帝始

故稱起於陶唐也

維昔黃帝法天則地四聖遵序

集解徐廣曰顓頊帝嚳堯舜

各成法

度唐堯遜位虞舜不台

索隱台音怡悅也或音昭非也

厥美帝功萬世

載之作五帝本紀第一

索隱應劭云有本則紀有家則代有年則表有名則傳

維禹之功九州攸同光唐虞際德流苗裔夏桀淫驕乃

放鳴條作夏本紀第二

維契

正義音薛也

作商爰及成湯太甲居桐德盛阿衡武丁

得說乃稱高宗帝辛湛酒諸侯不享作殷本紀第三

維棄作稷德盛西伯武王牧野實撫天下幽厲昏亂既

喪艷鎬陵遲至赧洛邑不祀作周本紀第四

維秦之先伯翳佐禹穆公思義悼豪之旅

索隱豪即嶠之異音旅師

旅也正義穆公封嶠山軍旅之尸

以人為殉詩歌黃鳥昭襄業帝作秦

### 本紀第五

始皇既立并兼六國銷鋒鑄鐻

集解徐廣曰嚴安上書銷其兵鑄以為鍾鐻也

索隱鐻音巨鐻鍾也

維偃干革尊號稱帝矜武任力二世受運子

### 嬰降虜作始皇本紀第六

秦失其道豪傑並擾項梁業之子羽接之殺慶救趙

集解

徐廣曰宋義為上將號慶子冠軍

諸侯立之誅嬰背懷天下非之作項

### 羽本紀第七

子羽暴虐漢行功德憤發蜀漢還定三秦誅籍業帝天

下惟寧改制易俗作高祖本紀第八

惠之早實

正義音頌

諸呂不台

集解徐廣曰無台輔之德也一曰怡懌也不為百姓所說

索隱案此贊本韻則怡懌為是也

崇彊祿產諸侯謀之殺隱幽友

集解徐廣

曰趙隱王如意趙幽王友

大臣洞疑

索隱洞是洞達意共所疑

遂及宗禍作呂太

### 后本紀第九

漢既初興繼嗣不明迎王踐祚天下歸心蠲除肉刑開  
通關梁廣恩博施厥稱太宗作孝文本紀第十

諸侯驕恣吳首為亂京師行誅七國伏辜天下翕然大  
安殷富作孝景本紀第十一

漢興五世隆在建元外攘夷狄內修法度建封禪改正  
朔易服色作今上本紀第十二

維三代尚矣年紀不可考蓋取之譜牒舊聞本于茲於  
是略推作三代世表第一

幽厲之後周室衰微諸侯專政春秋有所不紀而譜牒  
經略五霸更盛衰欲睹周世相先後之意作十二諸侯  
年表第二

春秋之後陪臣秉政彊國相王以至於秦卒并諸夏滅  
封地擅其號作六國年表第三

秦既暴虐楚人發難項氏遂亂漢乃扶義征伐八年之  
間天下三嬗事繁變衆故詳著秦楚之際月表第四

漢興已來至於太初百年諸侯廢立分削譜紀不明有

司靡踵彊弱之原云以世

集解徐廣曰一作云已也天漢序曰敞義依霍庶幾云已

索隱踵繼也以當作已世當作也並誤之耳云已也皆助語之辭正義言漢興已來百年諸侯廢立分割譜紀不能明其嗣有司無所踵繼其後乃云彊弱之原云以世相代相不能有所錄紀也作漢興已來

### 諸侯年表第五

維高祖元功輔臣股肱剖符而爵澤流苗裔忘其昭穆或殺身隕國作高祖功臣侯者年表第六

惠景之間維申功臣宗屬爵邑作惠景間侯者年表第

七

北討彊胡南誅勁越征伐夷蠻武功爰列作建元以來  
侯者年表第八

諸侯既彊七國為從子弟衆多無爵封邑推恩行義其  
勢銷弱德歸京師作王子侯者年表第九

國有賢相良將民之師表也維見漢興以來將相名臣  
年表賢者記其治不賢者彰其事作漢興以來將相名  
臣年表第十

維三代之禮所損益各殊務然要以近情性通王道故

禮因人質為之節文略協古今之變作禮書第一

樂者所以移風易俗也自雅頌聲興則已好鄭衛之音

鄭衛之音所從來久矣人情之所感遠俗則懷

集解徐廣曰樂

者所以感和人情人情既感則遠方殊俗莫不懷柔向化也

比樂書以述來古

索隱來古

即古來也言此樂書以述自古已來樂之興衰也

作樂書第二

非兵不彊

索隱此律書之贊而云非兵不彊者則此律書即兵書也古者師出以律則凡出軍皆聽

律聲故云聞律效勝負望敵知吉凶也

非德不昌黃帝湯武以興

索隱黃帝有阪

泉之師湯武有鳴條牧野之戰而克桀紂

桀紂二世以崩可不慎歟司馬法

所從來尚矣

正義古者師出以律凡軍出皆吹律聽聲律書云六律為萬事根本其於兵械尤所

重望敵知吉凶聞聲效勝負故云司馬兵法所從來尚矣乎

太公孫吳王子

集解徐廣曰王

子成甫

能紹而明之切近世極人變作律書第三

律居陰而治陽歷居陽而治陰律歷更相治間不容翽

忽

索隱案忽者愬文之微也翽者輕也言律歷窮陰陽之妙其間不容絲忽也言翽恐衍字耳正義翽匹遙

反今音匹治反字當作秒秒禾芒表也忽一蠶口出絲也言律歷相治之間不容此微細之物也

五家

之文怫異

索隱怫音悖一音扶物反怫亦悖也案言金木水火土五家之文各相悖異不同也正義

五家謂黃帝顓頊夏殷周之歷其文相戾乖異不同維太初之元論歷律為是故歷書自太初之元論之也

維太初之元論作歷書第四

集解徐廣曰  
論一作編

星氣之書多雜機祥不經推其文考其應不殊比集論  
其行事驗于軌度以次作天官書第五

受命而王封禪之符罽

集解徐廣曰  
一云荅應

用用則萬靈罔不

禋祀追本諸神名山大川禮作封禪書第六

維禹浚川九州攸寧爰及宣防決瀆通溝作河渠書第

七

維幣之行

索隱幣  
錢也

以通農商其極則玩巧并兼茲

索隱  
玩音

五官反巧

音苦孝反 殖爭於機利去本趨末作平準書以觀事變

第八

太伯避歷江蠻是適文武攸興古公王跡闔廬弑僚賓  
服荆楚夫差克齊子胥鴟夷信嚳親越吳國既滅嘉伯  
之讓作吳世家第一

申呂肖矣

集解徐廣曰肖音痛痛猶衰微索隱徐廣音訓不知從出紫肖謂微弱而省少所謂申呂

雖衰也正義肖音痛呂尚之祖封於申申呂後痛微故尚父微賤也

尚父側微卒歸西伯

文武是師功冠羣公繆權于幽

集解徐廣曰繆錯也猶云纏結也權智潛謀幽

昧不顯所謂太公陰謀索隱繆謂網繆也音亡又反謂太公網繆為權謀於幽昧不明著也正義繆音武彪反言呂尚網繆於幽權之策謂六韜三略陰符七術之屬也

**番番黃髮**

集解駟案番音婆毛萇云番番

威勇武貌也案黃髮言老人髮白而更黃也

爰饗營丘不背柯盟桓公以昌

九合諸侯霸功顯彰田闕爭寵姜姓解亡

集解徐廣曰闕一云監解

一作遷嘉父之謀作齊太公世家第二

依之違之周公綏之憤發文德天下和之輔翼成王諸侯宗周隱桓之際是獨何哉三桓爭彊魯乃不昌嘉旦

金滕作周公世家第三

武王克紂天下未協而崩成王既幼管蔡疑之淮夷叛

之於是召公率德安集王室以寧東土燕易之禪乃成

禍亂索隱謂王曾禪其相子之後卒危亂也嘉甘棠之詩作燕世家第四

管蔡相武庚將寧舊商及旦攝政二叔不饗殺鮮放度

索隱案系家云管叔名鮮蔡叔名度霍叔名處也周公為盟太任十子周以宗

彊索隱太任文王妃十子伯邑考武王管蔡霍魯衛毛聃曹是也嘉仲悔過正義蔡叔度之子蔡

仲也作管蔡世家第五

王後不絕舜禹是說維德休明苗裔蒙烈百世享祀爰

周陳杞楚實滅之齊田既起舜何人哉作陳杞世家第  
六

牧殷餘民叔封始邑申以商亂酒材是告及朔之生衛  
頃不寧南子惡蒯瞶子父易名周德卑微戰國既彊衛  
以小弱角獨後亡嘉彼康誥作衛世家第七

嗟箕子乎嗟箕子乎正言不用乃反為奴武庚既死周  
封微子襄公傷於泓

正義泓水名公羊傳云宋與楚人期戰於泓之陽宋師大敗君子大

其不鼓不成列臨大事而不忘禮雖文王之戰亦不過此也

君子孰稱景公謙德熒

惑退行剔成暴虐

集解徐廣曰一云偃宋剔成君生偃索隱剔音過

宋乃滅亡

嘉微子問太師作宋世家第八

武王既崩叔虞邑唐君子譏名

正義謂晉穆侯太子名仇少子名成師

卒

滅武公驪姬之愛亂者五世重耳不得意乃能成霸六

卿專權

正義智伯范中行韓魏趙

晉國以耗嘉文公錫珪鬯作晉世

家第九

重黎業之吳回接之殷之季世弼子牒之周用熊繹熊

渠是續莊王之賢乃復國陳

正義楚莊王都陳

既赦鄭伯班師

華元懷王客死蘭咎屈原好諛信讒楚并於秦嘉莊王之義作楚世家第十

少康之子實賓南海

正義吳越春秋云啓使歲時祭禹於越立宗廟南山之上封少康庶

子無餘於越使祠禹至句踐遷都山陰立禹廟為始祖廟越亡遂廢也案今禹廟在會稽山下

文身斷

髮鬣與處

索隱鬣音元鬣音鬣

既守封禺

集解徐廣曰封禺山在武康縣南

奉

禹之祀句踐困彼乃用種蠡嘉句踐夷蠻能修其德滅彊吳以尊周室作越王句踐世家第十一

桓公之東太史是庸及侵周禾王人是議祭仲要盟鄭

久不昌子產之仁紹世稱賢三晉侵伐鄭納於韓嘉厲  
公納惠王作鄭世家第十二

維驥騄耳乃章造父趙夙事獻衰續厥緒

正義衰楚為反

佐文

尊王卒為晉輔襄子困辱乃禽智伯主父生縛餓死探

爵王遷辟淫良將是斥嘉鞅討周亂作趙世家第十三

畢萬爵魏卜人知之及絳戮干戎翟和之文侯慕義子

夏師之惠王自矜齊秦攻之既疑信陵諸侯罷之卒亡

大梁王假廝之嘉武佐晉文申霸道作魏世家第十四

韓厥陰德趙武攸興紹絕立廢晉人宗之昭侯顯列申  
子庸之疑非不信秦人襲之嘉厥輔晉匡周天子之賦  
作韓世家第十五

完子避難適齊為援陰施五世齊人歌之成子得政田  
和為侯王建動心乃遷于共嘉威宣能撥濁世而獨宗  
周作田敬仲完世家第十六

周室既衰諸侯恣行仲尼悼禮廢樂崩追修經術以達  
王道匡亂世反之於正見其文辭為天下制儀法垂六

藝之統紀於後世作孔子世家第十七

桀紂失其道而湯武作周失其道而春秋作

正義周失其道至秦

之時諸侯力事乎爭強

秦失其政而陳涉發迹諸侯作難風起雲

蒸卒亡秦族天下之端自涉發難作陳涉世家第十八

成臯之臺薄氏始基詘意適代厥崇諸竇栗姬傾貴王

氏乃遂陳后太驕卒尊子夫嘉夫德若斯作外戚世家

第十九

漢既譎謀禽信於陳越荆剽輕乃封弟交為楚王爰都

彭城以彊淮泗為漢宗藩戍溺於邪禮復紹之嘉游輔

祖

正義游楚王交  
字也祖高祖也

作楚元王世家第二十

維祖師旅劉賈是與為布所襲喪其荆吳營陵激呂乃

王琅邪怵午

正義謂  
祝午也

信齊往而不歸遂西入關遭立孝

文獲復王燕天下未集賈澤以族為漢藩輔作荆燕世

家第二十一

天下已平親屬既寡悼惠先壯實鎮東土哀王擅興發

怒諸呂駟鈞暴戾京師弗許厲之內淫禍成主父嘉肥

股肱作齊悼惠王世家第二十二

楚人圍我滎陽相守三年蕭何填撫山西

正義謂華山之西也

推

計踵兵給糧食不絕使百姓愛漢不樂為楚作蕭相國

世家第二十三

與信定魏破趙拔齊遂弱楚人續何相國不變不革黎庶攸寧嘉參不伐功矜能作曹相國世家第二十四

運籌帷幄之中制勝於無形子房計謀其事無知名無勇功圖難於易為大於細作留侯世家第二十五

六竒既用諸侯賓從於漢呂氏之事平為本謀終安宗廟定社稷作陳丞相世家第二十六

諸呂為從謀弱京師而勃反經合于權吳楚之兵亞夫駐於昌邑以危齊趙而出委以梁作絳侯世家第二十七

七國叛逆蕃屏京師唯梁為扞負愛矜功幾獲于禍嘉其能距吳楚作梁孝王世家第二十八

五宗既王親屬洽和諸侯大小為藩爰得其宜僭擬之

事稍衰賤矣作五宗世家第二十九

三子之王文辭可觀作三王世家第三十

末世爭利維彼奔義讓國餓死天下稱之作伯夷列傳  
第一

晏子儉矣夷吾則奢齊桓以霸景公以治作管晏列傳  
第二

李耳無為自化清淨自正韓非揣事情循勢理作老子  
韓非列傳第三

自古王者而有司馬法穰苴能申明之作司馬穰苴列傳第四

非信廉仁勇不能傳兵論劔與道同符內可以治身外可以應變君子比德焉作孫子吳起列傳第五

維建遇讒爰及子奢尚既匡父伍員奔吳作伍子胥列傳第六

孔子述文弟子興業咸為師傅崇仁厲義作仲尼弟子列傳第七

鞅去衛適秦能明其術彊霸孝公後世遵其法作商君  
列傳第八

天下患衡秦毋饜而蘇子能存諸侯約從以抑貪彊作  
蘇秦列傳第九

六國既從親而張儀能明其說復散解諸侯作張儀列  
傳第十

秦所以東攘集解徐廣曰一作襄雄諸侯樗里甘茂之策作樗里

甘茂列傳第十一

芑河山

集解徐廣曰芑一作施

圍大梁使諸侯斂手而事秦者魏

冉之功作穰侯列傳第十二

南拔鄢郢北摧長平遂圍邯鄲武安為率破荆滅趙王  
翦之能作白起王翦列傳第十三

獵儒墨之遺文明禮義之統紀絕惠王利端列往世興

衰

集解徐廣曰一作壞

作孟子荀卿列傳第十四

好客喜士士歸于薛為齊扞楚魏作孟嘗君列傳第十

五

爭馮亭以權

集解徐廣曰以一作反太史公譏平

原曰利令智昏故云爭馮亭以權如楚

以救邯鄲之圍使其君復稱於諸侯作平原君虞卿列

傳第十六

能以富貴下貧賤賢能誦於不肖唯信陵君為能行之  
作魏公子列傳第十七

以身徇君遂脫彊秦使馳說之士南鄉走楚者黃歇之  
義作春申君列傳第十八

能忍詢於魏齊

集解徐廣曰詢音遁索  
隱詢音火候反詢辱也

而信威於彊秦

推賢讓位二子有之作范雎蔡澤列傳第十九

率行其謀連五國兵為弱燕報彊齊之讐雪其先君之耻作樂毅列傳第二十

能信意彊秦而屈體廉子用徇其君俱重於諸侯作廉頗藺相如列傳第二十一

潛王既失臨淄而奔莒唯田單用即墨破走騎劫遂存齊社稷作田單列傳第二十二

能設詭說解患於圍城輕爵祿樂肆志作魯仲連鄒陽

列傳第二十三

作辭以諷諫連類以爭義離騷有之作屈原賈生列傳  
第二十四

結子楚親使諸侯之士斐然爭入事秦作呂不韋列傳  
第二十五

曹子七首魯獲其田齊明其信豫讓義不為二心作刺  
客列傳第二十六

能明其畫因時推秦遂得意於海內斯為謀首作李斯

列傳第二十七

為秦開地益衆北靡匈奴據河為塞因山為固建榆中  
作蒙恬列傳第二十八

填趙塞常山以廣河內弱楚權明漢王之信於天下作  
張耳陳餘列傳第二十九

收西河上黨之兵從至彭城越之侵掠梁地以苦項羽  
作魏豹彭越列傳第三十

以淮南叛楚歸漢漢用得大司馬殷卒破子羽于垓下

集解徐廣曰堤塘之名也作黥布列傳第三十一

楚人迫我京索而信拔魏趙定燕齊使漢三分天下有其二以滅項籍作淮陰侯列傳第三十二

楚漢相距鞏洛而韓信為填潁川盧縮絕籍糧餉作韓信盧縮列傳第三十三

諸侯畔項王唯齊連子羽城陽漢得以間遂入彭城作田儋列傳第三十四

攻城野戰獲功歸報噲商有力焉非獨鞭策又與之脫

難作樊鄴列傳第三十五

漢既初定文理未明蒼為主計整齊度量序律厯作張丞相列傳第三十六

結言通使約懷諸侯諸侯咸親歸漢為藩輔作鄴生陸賈列傳第三十七

欲詳知秦楚之事唯周繆常從高祖平定諸侯作傳斬崩成列傳第三十八

索隱崩音裴其字從崩邑又音浮

徙彊族都關中和約匈奴明朝廷禮次宗廟儀法作劉

敬叔孫通列傳第三十九

能摧剛作柔卒為列臣藥公不劫於勢而倍死作季布  
藥布列傳第四十

敢犯顏色以達主義不顧其身為國家樹長畫作袁盜  
朝錯列傳第四十一

守法不失大理言古賢人增主之明作張釋之馮唐列  
傳第四十二

敦厚慈孝訥於言敏於行務在鞠躬君子長者作萬石

張叔列傳第四十三

守節切直義足以言廉行足以厲賢任重權不可以非  
理撓作田叔列傳第四十四

扁鵲言醫為方者宗守數精明後世修序弗能易也而  
倉公可謂近之矣作扁鵲倉公列傳第四十五

維仲之省

集解徐廣曰吳王之王由父省

厥凜王吳遭漢初定以填撫

江淮之間作吳王凜列傳第四十六

吳楚為亂宗屬唯嬰賢而喜士士鄉之率師抗山東榮

陽作魏其武安列傳第四十七

智足以應近世之變寬足用得人作韓長孺列傳第四十八

勇於當敵仁愛士卒號令不煩師徒鄉之作李將軍列傳第四十九

自三代以來匈奴常為中國患害欲知彊弱之時設備征討作匈奴列傳第五十

直曲塞廣河南破祁連通西國靡北胡作衛將軍驃騎

列傳第五十一

大臣宗室以侈靡相高唯弘用節衣食為百吏先作平  
津侯列傳第五十二

漢既平中國而佗能集揚越以保南藩納貢職作南越  
列傳第五十三

吳之叛逆甌人斬淩

集解徐廣曰今之永寧是東甌也

葆守封禺為臣

索隱葆音保言東甌被越攻破之後保封禺之山今在武康縣也

作東越列傳第五十

四

燕丹散亂遼間滿收其亡民厥聚海東以集真藩

集解  
徐廣

曰一作莫藩

葆塞為外臣作朝鮮列傳第五十五

音普寒反

唐蒙使略通夜郎而叩笮之君請為內臣受吏作西南

夷列傳第五十六

子虛之事大人賦說靡麗多誇然其指風諫歸於無為  
作司馬相如列傳第五十七

黥布叛逆子長國之以填江淮之南安剽楚庶民作淮  
南衡山列傳第五十八

奉法循理之吏不伐功矜能百姓無稱亦無過行作循吏列傳第五十九

正衣冠立於朝廷而羣臣莫敢言浮說長孺矜焉好薦

人稱長者壯有漑

集解徐廣曰一作既

作汲鄭列傳第六十

自孔子卒京師莫崇庠序唯建元元狩之間文辭繁如也作儒林列傳第六十一

民倍本多巧奸軌弄法善人不能化唯一切嚴削為能齊之作酷吏列傳第六十二

漢既通使大夏而西極遠蠻引領內鄉欲觀中國作大宛列傳第六十三

救人於危振人不贍仁者有乎不既信

集解徐廣曰一云不慨信

不

倍言義者有取焉作游俠列傳第六十四

夫事人君能說主耳目和主顏色而獲親近非獨色愛能亦各有所長作佞幸列傳第六十五

不流世俗不爭勢利上下無所凝滯人莫之害以道之用作滑稽列傳第六十六

齊楚秦趙為日者各有俗

索隱按日者傳亡無以知諸國之俗今諸先生唯記司馬

季主之事也

所用欲循

集解徐廣曰一作終

觀其大旨作日者列傳第

六十七

三王不同龜四夷各異卜

索隱其書既亡無以知其異今褚少孫唯取太卜占龜之

雜說詞甚煩蕪不能裁剪妄加穿鑿此篇不才之甚也

然各以決吉凶略闕其要

作龜策列傳第六十八

布衣匹夫之人不害於政不妨百姓取與以時而息財

富智者有采焉作貨殖列傳第六十九

維我漢繼五帝末流接三代統業周道廢秦撥去古文

焚滅詩書故明堂石室金匱玉版

集解如淳曰刻玉版以為文字

圖籍

散亂於是漢興蕭何次律令韓信申軍法張蒼為章程

集解如淳曰章歷數之章術也程者權衡丈尺斛斗之平法也瓚曰茂陵書丞相為工用程數其中言百工用材多少之量及制度之程品者是也叔孫通定禮儀則文學彬彬稍進詩

書往往間出矣自曹參薦蓋公言黃老

索隱蓋姓也音古盍反

而

賈生晁錯明申商公孫弘以儒顯百年之間天下遺文

古事靡不畢集太史公太史公仍父子相續纂其職曰

於戲余維先人嘗掌斯事顯于唐虞至于周復典之故

司馬氏世主天官

索隱案此天官非周禮冢宰天官乃廣知天文星歷之事天官且遷實黎

之後而黎氏後亦摠稱重黎以重本司天故太史公代掌天官蓋天官統太史之職言史是歷代之職恐非實事然衛宏以為司馬氏周史佚之後故太史談云予之先人周之太史蓋或得其實也

至於余乎

欽念哉欽念哉罔羅天下放失舊聞

索隱案舊聞有遺失放逸者網羅而

考論

王迹所興原始察終見盛觀衰論考之行事略推

三代錄秦漢上記軒轅下至于茲著十二本紀既科條

之矣並時異世年差不明作十表

索隱案並時則年歷差殊則亦略言難以

明辨故

禮樂損益律歷改易兵權山川鬼神

索隱案兵權即兵書

也遷沒之後亡褚少孫以律書補之今律書亦略言兵也山川即河渠書也鬼神即封禪書也故云山川鬼神

也 天人之際承敝通變作八書二十八宿環北辰三十

輻共一轂

集解駟案漢書音義曰象黃帝已下三十世家老子言車三十輻運行無窮以象王者如

此也正義顏云此說非也言衆星共繞北辰諸輻咸歸車羣臣尊輔天子也

運行無窮輔拂

股肱之臣配焉忠信行道以奉主上作三十世家扶義

倣儻不令己失時立功名於天下

索隱己音紀言扶義倣儻之士能立功名

於當代不後於時也

作七十列傳凡百三十篇五十二萬六千五

百字為太史公書序

索隱桓譚云遷所著書成以示東方朔朔皆署曰太史公則謂太史

公是朔稱亦恐其說未實蓋遷自尊其父著述稱之曰公或云遷外孫揚惲所稱事或當爾也略以拾

遺補藝

集解李奇曰六藝也索隱漢書作補闕此作藝謂補六藝之闕也

成一家之言

厥協六經異傳

索隱遷言以所撰取協於經異傳諸家之說耳謙不敢比經藝也異傳者如子

夏易傳毛公詩及韓嬰外傳伏生尚書大傳之流者也

整齊百家雜語

正義太史公撰史記

言其協於六經異文整齊諸子百家雜說之語謙不敢比經藝也異傳謂如丘明春秋外傳國語子夏易傳毛公詩傳韓詩外傳伏生尚書大傳之流也藏之名山副在京師

索隱言正本藏之書府副

本留京師也穆天子傳云天子北征至于羣玉之山河平無險四徹中繩先王所謂策府郭璞云古帝王藏策

之府則此謂藏之名山是也

### 俟後世聖人君子

索隱此語出公羊傳言夫子制春秋之義

以俟後聖君子以君子之為亦有樂乎此也

### 第七十

集解駟案衛宏漢書舊儀注曰司馬遷作景帝

本紀極言其短及武帝過武帝怒而削去之後坐舉李陵降匈奴故下遷蠶室有怨言下獄死

## 太史公曰余述歷黃帝以來至大初而訖百三十篇

集解

駟案漢書音義曰十篇缺有錄無書張晏曰遷沒之後亡景紀武紀禮書樂書兵書漢興以來將相年表日者列傳三王世家龜策列傳傳斲削成列傳元成之間褚先生補缺作武帝紀三王世家龜策日者列傳言辭鄙陋非遷本意也索隱案景紀取班書補之武紀專取封禪書禮書取荀卿禮論樂書取禮樂記兵書亡不補略述律而言兵遂分歷述以次之三王家空取其策文以續此篇何率略且重非當也日者不能記諸國之同異

而論司馬季主龜策直太卜所得占  
龜兆雜說而無筆削功何燕鄙也

索隱述贊曰太史良才實纂先德周遊歷覽東西南  
北事覈詞簡是稱實錄報任投書申李下獄惜哉殘  
缺非才  
妄續

史記卷一百三十

史記卷一百三十考證

太史公自序其在衛者相中山集解徐廣曰名喜也○  
呂氏春秋司馬喜難墨者師於中山王前

以傳劍論顯集解晉灼曰史記吳起贊曰非信仁廉勇  
不能傳劍論兵書也○序傳作不能傳兵論劍與晉  
灼所引互異必有一誤

蒯瞶玄孫印為武信君將集解徐廣曰張耳傳云武臣  
自號武信君○劉敞漢書刊誤曰此言當始皇時為

武信君將則武信君非武臣也項梁亦號為武信君然皆非始皇時

使人儉而善失真○董份曰墨者儉是矣若名家言儉似不可曉蓋此乃檢字因上有儉字寫者遂誤耳解曰檢者法也又曰檢者束也下文苛察繚繞即檢束之意也

而太史公遭李陵之禍正義太史公舉李陵李陵降也○董份曰李陵之禍謂陵降而太史公救之帝怒下

蠶室也

大臣洞疑索隱洞是洞達意共所疑○董份曰洞字恐是洞字蓋傳寫之誤耳今索隱釋為洞達既洞達矣又何疑乎

間不容翮忽○困學紀聞曰出曾子天圓章閻若璩曰曾子云其間不容髮

申呂肖矣集解徐廣曰肖音痛痛猶衰微○顧炎武曰肖乃削字脫其旁耳與孟子魯之削也滋甚義同徐

廣注以為痛者非是

臣照

按古時字少或痛削俱書

肖字未可定也

莊王之賢乃復國陳正義楚莊王都陳○余有丁曰楚  
莊克陳以申叔之功而復之故曰復國陳

壯有漑○凌稚隆曰以上文長孺推之則下壯字疑當  
作莊此鄭名也漑字下又疑有關文

史記卷一百三十考證

欽定四庫全書薈要卷三千七百九

史部

補史記序

司馬貞

太史公古之良史也家承二正之業人當五百之運兼  
以代為史官親掌圖籍慨春秋之絕筆傷舊典之闕文  
遂乃錯綜古今囊括記錄本皇王之遺事採人臣之故  
實爰自黃帝迄于漢武歷載悠邈舊章罕補漁獵則窮  
於百氏筆削乃成於一家父作子述其勤至矣然其敘

勸褒貶頗稱折衷後之作者咸取則焉夫以首創者難  
為功因循者易為力自左氏之後未有體制而司馬公  
補立紀傳規模別為書表題目莫不本紀十二象歲星  
之一周八書有八篇法天時之八節十表放剛柔十日  
三十世家比月有三旬七十列傳取懸車之暮齒百三  
十篇象閏餘而成歲其間禮樂刑政君舉必書福善禍  
淫用垂炯誡事廣而文局詞質而理暢斯亦盡美矣而  
有未盡善者具如後論雖意出當時而義非經遠蓋先

史之未備成後學之深疑借如本紀敘五帝而闕三皇  
世家載列國而有外戚邾許春秋次國略而不書張吳  
敵國蕃王抑而不載並編錄有關竊所未安又列傳所  
著有管晏及老子韓非管晏乃齊之賢卿即如其例則  
吳之延陵鄭之子產晉之叔向衛之史魚盛德不闕何  
為蓋闕伯陽清虛為教韓子峻刻制法靜躁不同德刑  
斯舛今宜柱史共漆園同傳公子與商君並列可不善  
歟其中遠近乖張詞義踳駁或篇章倒錯或贊論麤疏

蓋由遭逢非罪有所未暇故十篇有錄無書是也然其  
網絡古今敘述懲勸異左氏之微婉有南史之典實所  
以揚雄班固等咸稱其有良史之才蓋信乎其然也後  
褚少孫亦頗加補綴然猶未能周備貞業謝顓門人非  
博古而家傳是學頗事討論思欲續成先志潤色舊史  
輒黜陟陞降改定篇目其有不備並採諸典籍以補闕  
遺其百三十篇之贊記非周悉並更申而述之附于衆  
篇之末雖曰狂簡必有可觀其所改更具條于後至如

徐廣唯略出音訓兼記異同未能考覈是非解釋文句  
其裴駙實亦後進名家博採羣書專取經傳訓釋以為  
集解然則時有冗長至於盤根錯節殘缺紕繆咸拱手  
而不言斯未可謂通學也今輒按古今仍以裴為本兼  
自見愚管重為之註號曰小司馬史記然前朝顏師古  
止註漢史今並謂之顏氏漢書貞雖位不逮顏公既補  
史舊兼下新意亦何讓焉

補史記序

補史記

唐國子博士弘文館學士司馬貞補撰并注

三皇本紀

太史公作史記古今君臣宜應上自開闢下  
迄當代以為一家之首尾今闕三皇而以五  
帝為首者正以大戴禮有五帝德篇又帝系  
皆敘自黃帝以下故因以五帝本紀為首其  
實三皇已還載籍罕備然君臣之始教化之  
先既論古史不合全闕近代皇甫謐作帝王  
代紀徐整作三五歷皆論三皇已來事斯亦  
近古之一證今並採而集之作三皇本紀雖  
復淺近聊  
補闕云

太皞庖犧氏風姓代燧人氏繼天而王母曰華胥履大

人迹於雷澤而生庖犧於成紀蛇身人首

按伏羲風姓出國語其華

胥以下出帝王世紀然雷澤澤名即舜所漁之地在濟陰成紀亦地名按天水有成紀縣

有聖德仰

則觀象於天俯則觀法於地旁觀鳥獸之文與地之宜

近取諸身遠取諸物始畫八卦以通神明之德以類萬

物之情造書契以代結繩之政於是始制嫁娶以儷皮

為禮

按譙周古史考伏羲制嫁娶以儷皮為禮也

結網罟以教佃漁故曰宓

犧氏

按事出漢書歷志宓音伏

養犧牲以庖厨故曰庖犧有龍瑞以

龍紀官號曰龍師作三十五弦之瑟木德王注春令故

易稱帝出乎震月令孟春其帝大皞是也

按位在東方象日之明故

稱太皞皞明也

都於陳東封太山立一十一年崩

按皇甫謐伏犧葬南郡或

曰冢在山陽高平之西也

其後裔當春秋時有任宿須句顓臾皆風

姓之胤也女媧氏亦風姓蛇身人首有神聖之德代宓

犧立號曰女希氏無革造惟作笙簧

按禮明堂位及世本皆云女媧作簧

故易不載不承五運一曰女媧亦木德王蓋宓犧之後

已經數世金木輪環周而復始特舉女媧以其功高而

充三皇故頻木王也當其末年也諸侯有共工氏任智

刑以強霸而不王以水乘木乃與祝融戰不勝而怒乃

頭觸不周山崩天柱折地維缺女媧乃鍊五色石以補

天斷鼇足以立四極聚蘆灰以止滔水以濟冀州

按其事出

淮南子也於是地平天成不改舊物女媧氏沒神農氏作

按三

皇記者不同譙周以燧人為皇宋均以祝融為皇而鄭玄依春秋緯以女媧為皇承伏犧皇甫謐亦同今依之

為說也

炎帝神農氏姜姓母曰女登有蟠氏之女為少典

妃感神龍而生炎帝人身牛首長於姜水因以為姓

按國

語炎帝黃帝皆少典之子其母又皆有蟠氏之女據諸子及古史考炎帝之後凡八代五百餘年軒轅氏代之豈炎帝黃帝是昆弟而同母氏乎皇甫謐以為少典有蟠氏諸侯國號然則姜姬二帝同出少典氏黃帝之母又是神農母氏之後代女所以同是有蟠氏之女也

火德王故曰炎帝以火名官

斲木為耜揉木為耒耨之用以教萬人始教耕故號

神農氏於是作蜡祭以赭鞭鞭草木始嘗百草始有醫藥又作五弦之瑟教人日中為市交易而退各得其所遂重八卦為六十四爻初都陳後居曲阜

按今淮陽有神農井又左

傳魯有大庭氏之庫是也

立一百二十年崩葬長沙神農本起烈山

故左氏稱烈山氏之子曰柱亦曰厲山氏禮曰厲山氏

之有天下是也

按鄭玄云厲山神農所起亦曰有烈山皇甫謐曰厲山今隨之厲鄉也

神

農納奔水氏之女曰聽諉為妃生帝哀哀生帝克克生

帝榆罔凡八代五百三十年而軒轅氏興焉

按神農之後凡八代

事見帝王代紀及古史考然古典亡矣況譙皇二氏皆前聞君子考按古書而為此說豈至今鑿空乎此紀亦據以為說其易稱神農氏沒即

其後有州甫甘許戲露

齊紀怡向申呂皆姜姓之後並為諸侯或分四岳當周

室甫侯申伯為王賢相齊許列為諸侯霸於中國蓋聖

人德澤廣大故其祚胤繁昌久長云一說三皇謂天皇  
地皇人皇為三皇既是開闢之初君臣之始圖緯所載  
不可全弃故兼序之天地初立有天皇氏十二頭澹泊  
無所施為而俗自化木德王歲起攝提兄弟十二人立

各一萬八千歲

蓋天地初立神人首出行化故其年世  
長久也然言十二頭者非謂一人之身

有十二頭蓋古質比  
之鳥獸頭數故也

地皇十一頭火德王姓十一人興

於熊耳龍門等山亦各萬八千歲人皇九頭乘雲車駕  
六羽出谷口兄弟九人分長九州各立城邑凡一百五

十世合四萬五千六百年

天皇已下皆出河圖及三五歷也

自人皇已

後有五龍氏

五龍氏兄弟五人並乘龍上下故曰五龍氏也

燧人氏

按其君鑽燧出火教

人熟食在伏羲氏前譙周以為三皇之首也

大庭氏栢皇氏中央氏卷須氏

栗陸氏驪連氏赫胥氏尊盧氏渾沌氏昊英氏有巢氏

朱襄氏葛天氏陰康氏無懷氏斯蓋三皇已來有天下

者之號

按皇甫謐以為大庭已下一十五君皆襲庖犧之號事不經見難可依從然按古封太山者首

有無懷氏乃在太昊之前豈得如謐所說

但載籍不紀莫知姓王年代所都

之處而韓詩以為自古封太山禪梁甫者萬有餘家仲

尼觀之不能盡識管子亦曰古封太山七十二家夷吾所識十有二焉首有無懷氏然則無懷之前天皇已後年紀悠邈皇王何昇而告但古書亡矣不可備論豈得謂無帝王耶故春秋緯稱自開闢至於獲麟凡三百二十七萬六千歲分為十紀凡世七萬六百年一曰九頭紀二曰五龍紀三曰攝提紀四曰合雒紀五曰連通紀六曰序命紀七曰循飛紀八曰回提紀九曰禪通紀十曰流訖紀蓋流訖當黃帝時制九紀之間是以錄於此

補紀之也

補史記

欽定四庫全書薈要卷三千七百十

史部

史記正義論例謚法解列國分野

唐諸王侍讀率府長史張守節上

論史例

古者帝王右史記言左史記事言為尚書事為春秋太  
史公兼之故名曰史記并採六家雜說以成一史備論  
君臣父子夫妻長幼之序天地山川國邑名號殊俗物  
類之品也太史公作史記起黃帝高陽高辛唐堯虞舜

夏殷周秦訖于漢武帝天漢四年合二千四百一十三年作本紀十二象歲十二月也作表十象天之剛柔十日以記封建世代終始也作書八象一歲八節以記天地日月山川禮樂也作世家三十象一月三十日三十輻共一轂以記世祿之家輔弼股肱之臣忠孝得失也作列傳七十象一行七十二日言七十者舉全數也餘二日象閏餘也以記王侯將相英賢略立功名於天下可序列也合百三十篇象一歲十二月及閏餘也而太

史公作此五品廢一不可以統理天地勸獎箴誡為後之楷模也

論注例

史記文與古文尚書同者則取孔安國注若與伏生尚書同者則用鄭玄王肅馬融所釋與三傳同者取杜元凱服虔何休賈逵范甯等注與三禮論語孝經同者則取鄭玄馬融王肅之注與韓詩同者則取毛傳鄭箋等釋與周易同者則依王氏之注與諸子諸史雜書及先

儒解釋善者而裴駙並引為注又徐中散作音訓校集諸本異同或義理可通者稱一本云又一本云自是別記異文裴氏亦引之為注也

論字例

史漢文字相承已久若悅字作說閑字作間智字作知汝字作女早字作蚤後字作后既字作漑勅字作飭制字作制此之般流緣古少字通共用之史漢本有此古字者乃為好本程邈變篆為隸楷則有常後代作文隨

時改易衛宏官書數體呂忱或字多竒鍾王等家以能  
為法致令楷文改變非復一端咸著秘書傳之歷代又  
字體乖日久其黼黻之字法從黼

丁履反

今之史本則有

從耑音端秦本紀云天子賜孝公黼黻鄒誕生音甫弗而

鄒氏之前史本已從耑矣如此之類並即依行不可更  
改若其鼃鼃從龜辭從舌覺學從與泰恭從小匱匠從  
走巢藻從果耕籍從禾席下為帶美下為火哀下為衣  
極下為點析傍著片惡上安西餐側出頭離邊作禹此

之等類例直是訛字寵

勅勇反

錫為錫

音陽

以支

章侈反

代文

問分反

將无混無若茲之流便成兩失

### 論音例

史文與傳諸書同者劉氏並依舊本為音至如太史公改五帝本紀便章百姓便程東作便程南譌便程西成便在伏物咸依見字讀之太史變尚書文者義理特美或訓意改其古澀何煩如劉氏依尚書舊音斯例盖多不可具錄著在正義隨文音之君子宜詳其理庶明太

史公之達學也然則先儒音字比方為音至魏秘書孫

炎始作反音又未甚切今並依孫反音以傳後學鄭康

成云其始書之也倉卒無字或以音類比方假借為之

趣於近之而已受之者非一邦之人其鄉同言異字同

音異於茲遂生輕重訛謬矣然方言差別固自不同河

北江南最為鉅異或失在浮清或帶於重濁今之取捨

冀除茲弊夫質有精麤謂之好惡並如字心有愛憎稱為

好惡並去聲當體則為名譽音預情乖則曰毀譽音餘自壞乎怪

反

壞徹上音怪

自斷

徒緩反自去離也

刀斷

端管反以刀割令相去也

耶

也奢反未

審之

也

亦且反助句之語也

復

音伏又扶富反重也

過

古卧反越度也

解

核買反自散也

間

紀覓反

畜許又反

畜

許六反養也

先

蘇前反

仙

肩然反

尤

羽求反

侯

胡溝

反

治持

並音直之反

之

止而反

脂砥祇

並音旨夷反

惟維遺唯

並音以位

反

怡貽頤詒

並音與之反

夷寅彛姨

並音以脂反

私

息脂反

綏雖睢

反

遺並音息反

偲司伺絲

並音巨支反

卮枝祇肢

並音章移反

祇歧

並音

巨支反

其期旗碁蹠

並音渠之反

祈頡旂幾畿

並音渠希反

僖熙嬉

嘻

並音許其反

希晞晞稀

並音虛幾反

霏妃菲駢

並音芳非反

飛非靡

並音匪  
肥反

尸屍著

並音式  
脂反

詩書之

巾居人  
反

斤筋

舉欣  
反

篇偏

並音芳  
連反

穿

詳連  
反

里李裏

並音良  
止反

至贄

並音脂  
利反

志

之吏  
反

利

泣

並音力  
至反

吏

力置  
反

寺嗣飼

並音辭  
吏反

字牴

並音屯  
置反

自

疾二  
反

置致躓驚

並音陟  
利反

器

去冀  
反

氣

去既  
反

亟

去吏  
反

冀概

几利  
反

既

居未  
反

覆

數救反又  
數福反

副

數救  
反

富

並音府  
副反

若斯清濁實亦

難分博學碩材乃有甄異此例極廣不可具言庶後學

士幸留意焉

音字例

文或相似音或有異一字單錄乃恐致疑兩字連文檢尋稍易若音上字言上別之所音下字乃復書下有長句在文中須音則題其字

發字例

古書字少假借蓋多字或數音觀義點發皆依平上去入若發平聲每從寅起又一字三四音者同聲異喚一處共發恐難辨別故略舉四十二字如字初音者皆為正字不須點發

畜

許六反養也又許救反從訟容反隨也又縱容反南

六畜也又他六反聚也又狃容反又子勇

反相勸也又從用反侍

從也又足用反恣也數色具反歷數術數也又色五

逐戀反書傳也又逐全反卒子律反卒終也又蒼忽

相付也又張戀反驛也反急也尊忽反兵人也

字體各別不辟君也徵也又頻亦反罪也開也疋亦反

辨故發之也邪也又疋鼓反諭也又音避隱也又普

覓反辟施書移反張也又式鼓反間紀閑反隙也又紀

歷也與也又羊鼓反延也覓反問也又覓間

反靜射蛇夜反射也又夏胡馬反禹號也又胡嫁反春

也符富反重也又音伏重直拱反尊也直龍反適聖石

復也又音福徐役之也疊也又直用反累也適反寬

也之也又丁歷反大也又汜音祀水在成臯又音凡邑

張革反責也又音敵當也汜名在襄城又孚劍反為水

史記六

在定陶高帝即位處也又音夷楚人呼土為汜橋

**樂**

音岳謂音樂也又音洛歡也又音五教反好也情願

也

**覆**

敷富反蓋也又敷福反再也

**恐**

曲用反疑也又兵拱反懼也

**惡**

烏各反麤也又烏路反憎

也又音烏

**斷**

端管反有物割截也又段緩反謂於何也自相分也又端亂反斷疑事也

**解**

佳買反除結縛

也又核買反散也又佳債

**幾**

音機庶幾也又音祈近也又音記亦冀望字也又音

紀錄

**過**

光臥反度也罪過也又音戈經過也度前也

**率**

所律反平例也率伏也又音類也又音刷

徐廣云率即斂也又音色類反將帥也

**屈**

立勿反曲也又君勿反姓也又羣勿反盡也強也

**上**

時讓

反位也元在物之上

**王**

于方反人主也又于放反霸王也又盛也

張丈反

**籍**

才昔反名籍也又薦籍也又租夜反即借也

**培**

勃回反補也又蒲內反板也

**勝**

長上也

音升又難乃丹反艱也式證反使所里反又相息羊反又沈針甚

反又針禁反又直今任入今反又棺音官又古玩反又

造曹早反七妻七低反費非味反用也又音秘

### 謚法解

惟周公旦太公望開嗣王業建功于牧野終將葬乃制

謚遂敘謚法謚者行之迹號者功之表古者有大功則賜之善號以為

稱也車服者位之章也是以大行受大名細行受細名行

出於己名生於人名謂

號謚

民無能名曰神

不名一善

一德不懈曰簡

一不委曲

靖民則法曰皇

靖安

平易不訾曰簡

不信訾毀

德象天地曰帝

同於天帝

尊賢貴義曰恭

尊事賢人寵貴義士

仁義所往曰王

民往歸之

敬事供上曰恭

供奉也

立志及衆曰公

志無私也

尊賢敬讓曰恭

敬有德讓有功

執應八方曰侯

所執行八方應之

既過能改曰恭

言自知

賞慶刑威曰君

能行四者

執事堅固曰恭

守正不移

從之成羣曰君

民從之

愛民長弟曰恭

順長接弟

揚善賦簡曰聖

所稱得人所善  
得實所賦得簡

執禮御賓曰恭

迎待  
賓也

敬賓厚禮曰聖

厚於  
禮

比親之闕曰恭

脩德以  
益之

照臨四方曰明

以明  
照之

尊賢讓善曰恭

不專己善  
推於人

譖訴不行曰明

逆知之  
故不行

威儀悉備曰欽

威則可畏  
儀則可象

經緯天地曰文

道成其

大慮靜民曰定

思樹

道德博聞曰文

無不知

純行不爽曰定

行一不傷

學勤好問曰文

不恥下問

安民大慮曰定

以慮安民

慈惠愛民曰文

惠以成政

安民法古曰定

不失舊意

愍民惠禮曰文

惠而有禮

辟地有德曰襄

取之以義

賜民爵位曰文

與同升

甲冑有勞曰襄

亟征伐

綏柔士民曰德

安民以居安士以事

小心畏忌曰僖

思所當忌

剛彊直理曰武

剛無欲強不屈懷忠恕正曲直

質淵受諫曰釐

深故能愛

諫爭不威曰德

不以威拒諫

有罰而還曰釐

知難而退

威彊敵德曰武

與有德者敵

溫柔賢善曰懿

性純淑

克定禍亂曰武

以兵往故能定

心能制義曰度

制事得宜

刑民克服曰武

法以正民能使服

聰明叡哲曰獻

有通知之聰

夸志多窮曰武

大志行兵多所窮極

知質有聖曰獻

有所通而無蔽

安民立政曰成

政以安定

五宗安之曰孝

五世之宗

淵源流通曰康

性無忌

慈惠愛親曰孝

周愛族親

溫柔好樂曰康

好豐年勤民事

秉德不回曰孝

順於德而不違

安樂撫民曰康

無四方之虞

協時肇厚曰孝

協合肇始

合民安樂曰康

富而教之

執心克莊曰齊

能自嚴

布德執義曰穆

故穆穆

資輔就共曰齊

資輔佐而共成

中情見貌曰穆

性公露

甄心動懼曰頃

甄精

容儀恭美曰昭

有儀可象  
行恭可美

敏以敬慎曰頌

疾於所  
慎敬

昭德有勞曰昭

能勞  
謹

柔德安衆曰靖

成衆  
使安

聖聞周達曰昭

聖聖  
通合

恭己鮮言曰靖

恭己正身  
少言而中

治而無眚曰平

無災  
罪也

寬樂令終曰靖

性寬樂義  
以善自終

執事有制曰平

不任意

威德剛武曰圉

禦亂患

布綱治紀曰平

施之政事

彌年壽考曰胡

久也

由義而濟曰景

用義而成

保民耆艾曰胡

六十曰耆七十曰艾

耆意大慮曰景

耆強也

布義行剛曰景

以剛行義

追補前過曰剛

勤善以補過

清白守節曰貞

行清白執志固

猛以剛果曰威

猛則少寬果敢行

大慮克就曰貞

能大慮非正而何

猛以彊果曰威

強甚於剛

不隱無屈曰貞

恒然無私

彊義執正曰威

問正言無私

辟土服遠曰桓

以武正定

治典不殺曰祁

秉常不衰

克敬動民曰桓

敬以使之

大慮行節曰孝

言成其節

辟土兼國曰桓

兼人故啓土

治民克盡曰使

克盡無恩惠

能思辯衆曰元

別之使各有次

好和不爭曰安

生而少斷

行義說民曰元

民說其義

道德純一曰思

道大而德一

始建國都曰元

非善之長何以始之

大省兆民曰思

大親民而不殺

主義行德曰元

以義為主行德政

外內思索曰思

言求善

聖善周聞曰宣

聞謂所聞善事也

追悔前過曰思

思而能改

兵甲亟作曰莊

以數征為嚴

行見中外曰慤

表裏

叡圉克服曰莊

通邊圉使能服

狀古述今日譽

立言之稱

勝敵志強曰莊

不撓故勝

昭功寧民曰商

明有功者

死於原野曰莊

非嚴何以死難

克殺秉政曰夷

秉政不任賢

屢征殺伐曰莊

以嚴釐之

安心好靜曰夷

政不爽

武而不遂曰莊

武功不成

執義揚善曰德

稱人之善

柔質慈民曰惠

性知其

慈仁短折曰懷

短未六十折未三十

愛民好與曰惠

施與謂

迷義不克曰丁

不能成義

夙夜警戒曰敬

敬身急成

有功安民曰烈

以武立功

秉德尊業曰烈

合善典法曰敬

非敬何以善之

剛克為伐曰翼

伐功也

剛德克就曰肅

成其敬使為終

思慮深遠曰翼

小心翼翼

執心決斷曰肅

言嚴果

外內貞復曰白

正而復始終一

不生其國曰聲

生於外家

不勤成名曰靈

任本性不見賢思齊

未家短折曰傷

未家未娶

死而志成曰靈

志事不丟命

愛民好治曰戴

好民治

死見神能曰靈

有鬼不為厲

典禮不愆曰戴

無過

亂而不損曰靈

不能以治損亂

短折不成曰殤

有知而夭殤

好祭鬼怪曰靈

瀆鬼神不致遠

隱拂不成曰隱

不以隱括改其性

極知鬼神曰靈

其智能聰徹

不顯尸國曰隱

以間主國

見美堅長曰隱

美過其令

殺戮無辜曰厲

官人應實曰知

能官人

復恨遂過曰刺

去諫曰復  
反是曰恨

肆行勞祀曰悼

放心勞於淫  
祀言不脩德

不思忘愛曰刺

忘其愛  
己者

年中早夭曰悼

年不  
稱志

蚤孤短折曰哀

蚤未知  
人事

恐懼從處曰悼

從處言  
險地

恭仁短折曰哀

體恭質仁  
功未施

凶年無穀曰荒

不務  
耕稼

好變動民曰躁

徒數移

外內從亂曰荒

家不治  
官不治

不悔前過曰戾

知而不  
改

好樂怠政曰荒

淫於聲樂  
怠於政事

怙威肆行曰醜

肆意  
行威

在國遭憂曰愍

仍多  
大喪

壅遏不通曰幽

弱損  
不凌

在國逢難曰愍

兵寇  
之事

蚤孤鋪位曰幽

鋪位即位而卒

禍亂方作曰愍

國無政動長亂

動祭亂常曰幽

易神之班

使民悲傷曰愍

苛政賊害

柔質愛諫曰慧

以虛受人

貞心大度曰匡

心正而用察少

名實不爽曰質

不爽言相應

德正應和曰莫

正其德應其和

溫良好樂曰良

言其人可好可樂

施勤無私曰類

無私惟義所在

慈和徧服曰順

能使人皆服其慈和

思慮果遠曰明

自任多近於專

博文多能曰憲

雖多能不至於大道

嗇於賜與曰愛

言貪吝

滿志多窮曰惑

自足者必不惑

危身奉上曰忠

險不辭難

思慮不爽曰厚

不差所  
思而得

克威捷行曰魏

有威而  
敏行

好內遠禮曰煬

朋淫於家  
不奉禮

克威惠禮曰魏

雖威不  
逆禮

去禮遠衆曰煬

不率禮  
不親長

教誨不倦曰長

以道  
教之

內外賓服曰正

言以正  
服之

肇敏行成曰直

始疾行成  
言不深

彰義揜過曰堅

明義以蓋前過

疏遠繼位曰紹

非其第過得之

華言無實曰夸

恢誕

好廉自克曰節

自勝其情欲

逆天虐民曰抗

背尊大而逆之

好更改舊曰易

變故改常

名與實爽曰繆

言名美而實傷

愛民在刑曰克

道之以政齊之以刑

擇善而從曰比

比方善而從之

除殘去虐曰湯

隱哀也景武也施德為文除惡為武辟地為襄服遠為  
桓剛克為僖施而不成為宣惠無內德為平亂而不損  
為靈由義而濟為景餘皆象也

以其所為謚象其事行

和會也勤

勞也尊脩也爽傷也肇始也怙恃也享祀也胡大也秉  
順也就會也錫與也典常也肆放也康虛也叡聖也惠  
愛也綏安也堅長也耆彊也考成也周至也懷思也武

法也布施也敏疾也速也載事彌文以前周書謚法周代君王並取作謚故全寫一篇以傳後學

### 列國分野

漢書地理志云本秦京師為內史

顏師古云京師天子所居畿內也秦并天

下改立郡縣而京畿所統時號內史言其在內以別於諸郡守也百官表云內史周官秦因之掌治京師景帝二年分置左內史右內史武帝太初元年更名京兆尹左內史名馮翊主爵中尉秦官掌列侯景帝六年更名都尉武帝太初元年更名右扶風治內史與左馮翊京兆尹是為三輔也

秦地於天官東并輿鬼之分埜其界自弘農故關以西

京兆扶風馮翊北地上郡西河安定天水隴西南有巴蜀廣漢犍為武都西有金城武威張掖酒泉敦煌又西南有牂牁越雋益州

魏地崑觶參之分棊其界自高陵以東盡河東河內南有陳留及汝南之召陵潁彊新汲西華長平潁川之舞陽鄆陵河南之開封中牟陽武酸棗卷

卷去  
權反

周地柳七星張之分棊今之河南洛陽穀城平陰偃師鞏緱氏

韓地角亢氏之分莖韓分晉得南陽郡及潁川之城父  
定陵襄城潁陽潁陰長社陽翟郟東接汝南西接弘農  
得新安宜陽鄭今河南之新鄭及成臯滎陽潁川之崇  
高城陽

趙地昴畢之分莖趙分晉得趙國北有信都真定常山  
又得涿郡之高陽莫州鄉東有廣平鉅鹿清河河間又  
得渤海郡之東平舒中邑文安東州成平章武河以北  
也南至浮水繁陽內黃斥丘西有太原定襄雲中五原

上黨

燕地尾箕之分堊召公封於燕後三十六世與六國俱  
稱王東有漁陽右北平遼西遼東西有上谷代郡鴈門  
南有涿郡之易容城范陽北有新成故安涿縣良鄉新  
昌及渤海之安次樂浪玄菟亦宜屬焉

齊地虛危之分堊東有菑川東萊瑯邪高密膠東南有  
泰山城陽北有千乘清河以南渤海之高樂高城重合  
陽信西有濟南平原

魯地奎婁之分棊東至東海南有泗水至淮得臨淮之  
下相睢陵僮取慮

宋地房心之分棊今之沛梁楚山陽濟陰東平及東郡  
之須昌壽張今之睢陽

衛地營室東壁之分棊今之東郡及魏郡之黎陽河內  
之野王朝歌

楚地翼軫之分棊今之南郡江夏零陵桂陽武陵長沙  
及漢中汝南郡後陳魯屬焉

吳地斗牛之分楚今之會稽九江丹陽豫章廬江廣陵  
六安臨淮郡

粵地牽牛婺女之分楚今蒼梧鬱林合浦交趾九真南  
海日南

以前是戰國時諸國界域及相侵伐犬牙  
深入然亦不能委細故略記之用知大略

史記正義論例列國分野

尚書

臣

張照謹言司馬遷紹春秋作史記後世史

家奉為鼻祖焉顧其書前後重複互異甚多讀者  
舉矛刺盾往往而是原其所以蓋有三焉一曰春  
秋之義信以傳信疑以傳疑子曰吾猶及史之闕  
文夫與其過而棄之無寧過而存之一事而傳聞  
異辭則並舉而互見不敢以己之臆橫斷往古之  
人遷之慎也一曰遷武帝之臣也則如所稱今上  
本紀者固宜有錄無書其他文字敘至遷作史記

時而止者其文字似未了而義已了後人不知妄為增益於是金鑰莫辨所為褚先生者固不足以述遷之緒况又未必皆褚先生為之所以益雜亂而無章也一日遷之為史祖述春秋顧春秋之義微矣遷豈能彷彿萬一哉其體例實遷草創其為言述古諷今不專為一代之史與後代史家專敘一代者不同且非易代而為之其所筆削即本朝之事也固不得以微辭見指而後世或懵焉以

為有闕遺而轉增益之或失其指趣而妄加非議  
有是三者是以讀史記之難異於他史我

皇上稽古右文命臣等攷訂前史而重刊之以嘉惠後  
學臣等學殖荒落何足仰副

明詔謹就所聞諸師友見諸傳記者為之考證以附卷  
後其間都有侍從燕閒得聞

天語講論臣輒剽竊入書以幸士林其注有三曰集解

曰索隱曰正義世固皆無全本就世所傳本博考

而詳校之蓋比明監本增什之六然猶未全也其  
於已刊之後復搜得之者則又見於考證中以補  
其遺顧三注文字益多舛訛雖據所見聞稍加駁  
正入於考證然不能無罅漏也要之校明監本則  
不可同年語矣臣照謹識

謹案卷一百三十第一頁後一行宜曰火正古文  
作北字非也刊本火字北字互訛據監本及下  
文改

第一頁後六行然按班彪之序刊本然下行一後  
字脫班字據王本改

第二頁後一行司馬氏系本刊本系訛係今改  
第二頁後八行其地後改為李里也刊本李里訛  
里李據毛本索隱改

第三頁前六行漢書作毋憚並音亦刊本憚誤擇  
據王鏊本改

第三頁後一行夏陽縣故城東南刊今脫城字今  
增

第三頁後五行則令郡縣所上圖書刊本郡訛州  
圖訛國據毛本索隱改

第四頁後一行一作詳刊本詳訛祥今改

第六頁前四行集解一作增刊本增訛溜今改

第九頁前三行嶧山在鄒縣北刊本嶧訛鄉北訛  
各據王鏊本改

第十七頁後七行天下三壇刊本壇訛壇據毛本  
改

第十九頁後六行當作秒秒禾芒表也刊本秒訛  
抄今改

第十九頁後七行各相悖異刊本各訛名今改  
第二十二頁前四行衛頃不寧刊本頃訛頃據索

隱改

第三十七頁後六行傳斬崩成列傳刊本脫成字

今增

補史記序別為書表題目莫不案莫不下應有脫

文

補史記第二頁前三行立一十一年案一十上當

有百字

第三頁後二行注亦曰有烈山刊本山訛氏據王

鑿本改

第四頁後三行大庭氏刊本大訛夫又卷須氏刊  
本氏訛是今並改

第五頁前七行七曰循飛紀刊本循訛脩據通鑑  
前編改

正義論例第一頁後七行以記王侯將相記記訛  
今改

第三頁前三行其黼黻之字法從莆刊本莆訛莆

今改

第五頁前三行字將並音疾置反刊本疾訛候今

改



總校官庶吉士臣侍朝

校對官檢討臣郭寅

騰錄監生臣陳熙

對團  
法人  
佛陀教育基金會  
釋淨空  
敬贈

